



刻歸有園稿敘

物有園稿蓋大



宗伯吾師冬室徐



先生自萬曆癸未歸田後所著詩
文凡若干卷不佞得為之校而刻
之以詔後在也先生嘗謂昔人有
云近世士夫以官為家罷則母所
于收却自蚤業羅系物以構一園

名曰物有之真物而省之乃以名
其稿云先生早嘗仕歿即潛心祇
林於其論苦題咏皆枯槁理每抒
蕤性靈殆不喜為雷同剝裝憑凌
馳騖以取譽世而情若高如體裁
互異情境悉真蓋卓然師身以心
自出樞軸而究其所至期不流于

立言之旨詳具先生海隅集自序
并高澤中其傑特之識魏偉之論
真是破法破之逆而示其化之準
矣然此特其特解耳先生磊落有
豪氣初守初部即介之職業慎持
典章殆不可以私干勢奪而久之
竟以爭陵祀禮失矣人意出知

荆州下車之初值懷襄為虐郡且
無民矣而催徵使在相望于道先
生福矢以一官易如第生靈之命
至沙市緣起更以封疆之系力抗
景藩政奏逮幾陷不測後再起
分索襄陽時遼庶人不及為同事
去所傾又被重劾賴時為子去

為山先生後下稟字推勘盡為
石先生懿行直為孫是益魁
炳于士林乃復起亦持稟尋長方
岳領填摺入貳日魁正位秩宗系
殊簡云先生早為子部字程故
所稽悉至是感激之恩益振饒
部務銳之建明他不暇縷指如申

納言之職掌佐學政之調停少江
陵之所大謬不然者而先生堅持
之人第知江陵之能用先生不知
先生之無夙崇論宏議江陵且彌
縫其缺失而返之正類若此自心
迹之辨不明之在率撫疑以為雌
黃而壽宮祿興可與時會先生

亦不屑紛史巫自白第懇疏請
系息謝可為笑囑則屏忠政構
竺林禪院日徜徉其中間引故人
涉觴吸傲窮真隱之趣紛華勢利
泊如也獨不能盡廢揮灑是殆所
載皆其聖覽餘暇矢口而成詩則
陶寫性真冲和雅澹文則根極六

經藻潤子史而閒出入于唐宋法
大家委宛豐腴首尾貫徹一洗近
時刻畫比拗割裂鉅釘之習下至
襍書尺牘亦皆感時切事以境會
心或取類喻言或雅談名理各極
旨趣斐然自成一宗之誠藝苑之
宗工初按之上乘也人亦以之屈

宋文章夔就事業此涉畫才步難
也先生著述其雲蒸霞爛既美此
而少功之表樹其霖沛雷轟又美
彼洵可謂兼之然先生方寸覽真
契遊涉之園功成而退曩在闕慙
已如浮雲過而不有矧與夫文儒
騷史殺青和墨競長句字之間乎

執不佞童年猥以文字辱知先生
功許特甚比竊途碌之刊迪歲石
受益善方迹叨摺陶家書吳中宗
先生近稿辱不鄙夷千里緘寄展
閱并泔具悉近况殊慰十載契濶
之懷竊嘗謂先生文章氣節類蘊
長公瞻遠風致類香山居士然長

公遭謫困蹶後隆召遂亦落不
復振而先生晚運佳運致位大
僚何請榮收道遙耆社備極人間
之樂以爲過之生有之子俱膺敏
工古文詞行且以賢書起矣強武
其皇寃先生所形爲之業當未嘗
艾此先非香山所能望弟一者爰

捐俸梓之而借為論敘用以質之
 當世知者君子先生全集先刻之
 鄭處後入奉 朝聘五年又安有
 春明稿刻之亦部此稿未窺先
 生之全然嘗鼎一臠亦自當得生
 既云

萬曆癸巳仲春月

賜同進士出身通議大夫都察院
 右副都御史奉
 勅提督軍務兼巡撫福屯地方前
 太常寺卿吏部文選清吏司中
 南郡門人張汝濟頓首撰并書



皇朝文獻通考

顯下丘書乞骸骨 天子謂徐某
將官不多曰避言去位乃遣中官詣
閣下勅留之元是嘗當撰者為余肺
附之親知余蓄意已堅遂擬 旨釋
余負擔仍 勅乘傳以歸人皆疑當
撰者遠嫌之過不繫處余少遽而不
知天下事有外若相廷而內實相成

者此之謂也蓋余既去國而 朝事
曰非矣議論多而攻擊繁與自是以
小則加大矣曰賤則妨賢矣以濂則
破義矣如是者十季 朝廷之上不
復見前輩典刑而當撰者文採過靡
違不敢自弃其位矣而余方處海上
察心之境崇和也寂如也夏藝釣鮮

之餘惟肆志秣園以快意耳豈老臣
忍于忘盛哉不佞其位不謀其政宣
聖之遺言固不可磨也是歲辛卯余
年七十矣其恭忽嬰一疾第沈疴而
卧了費痛苦至明辛壬辰九寐而無
夢者越九十曰即平生所患痰嗽宿
疾盡以除去而雙足愈健自是所居

益深曰竝坐一榻不復窺見外客惟
偃仰液曙櫺中案設三簞獨中鬚略
活腫氣其旦暮二餐俱純用齋食即
盥盂之數亦有常度蚤眠寔起習以
為常余絮不諳導引之術而此若存
默摸之者及取鏡自照則眉鼻雙耳
之毫視前已屈出兩三寸矣豈造物

者真欲毆我乎埃壒之外哉而是時
有鄉里一二少年偶無故而見陵者
其來驟端其出驟據彼固不知其所
目施余亦不知其所以受人皆大駭
之余咲曰此豈僊家所謂八難九苦
之類與乎余杜門之志益固矣兒子
謂大人雖絕意于詩文而故藁未可
弁棄之也乃命收拾之且付小皮而
又作是序

萬曆壬辰穰曰竺林居士徐學謨
命兒子北稷書

歸有園稿目錄

詩編

第一卷

詩 癸未甲申乙酉

得謝大宗伯事不陞辭志感

別翟德夫同年

奉酬張大司馬肖父自薊鎮遺詩贈行因

次來韻

原韻 附

出京口號十首

慈恩寺留別太宰楊公大宗伯沈公予入京時嘗駐宿西方丈

承癸未詞林諸君祖送

真空寺留別澤民司封蘇軾彭器公題

夜過任丘偶題

雪中次白溝河宋都運自容城携酒追餞

精神宋故鄖陽守余嘗薦之于朝已為承

策一望風吉者効罷別贈短章

融自國高謁孟廟

梅

次彭城姜民部莫兵憲酌余使院東署

登彭城署樓喜河工告成次壁間韻

南徐遇唐京倅北上留酌公署唐故膳部

眾屬郎喜而贈詩

彭城道中書所見

過東平其守常熟陳君以南比部郎謫此

戲頗有所對戲書六言相慰

宿州吳守偶談及其族祖文端公因言此

宿臨淮驛李方伯夜過話舊

滁陽飲龐子儀廣文

次真州始見雨

渡江

毘陵飲同年白光祿園

除夕泊崑山作

還家四首

贈朱明府出郭施賑

答馮咸甫進士見訪山園投贈之作

來韻

原韻

送邢侍御遷湖藩少參時按吳中有請賑

蠲租之惠偶坐蜚語因詘其格

過張甥伯隅園賞牡丹作

送龔博士宰東鄉

喜雨贈朱明府

殷無美進士初拜峽州守歸留酌話舊作

十三韻

題文內翰寫林萱圖為顧甥壽二尊人七

十效柏梁體

送殷無美之任峽州十韻

送楊丞之任廣西郡幕

夏日馮山人邃自雲間見訪有作次韻

秋日送顧太史起告還朝

雲間馮元敏學憲自貴陽謝事歸訪余歸

有園信宿而別賦贈二首時重九後二

日

張唐二文學夜過草堂留酌賦贈二首

送吳縣傅尹赴召

上巳日偕唐叔達李茂實妻子柔集沈伯

咸兄弟園是日余戒飲

朱濟之邀余看庭前海棠是花爲其先公

手植感贈一律

崑山王舜華山人見訪答贈二首

寄贈王元美司寇避居東鄉修道

和答

附

示孫恩兒

示外孫留兒

梁伯龍投詩見訪忽患疝止宿城西書此

奉答

聞兒輩落第效長慶體解嘲

為俞山人送劉明府入覲

中泠館詩為應山宗侯賦

送朱尹入覲

王元美司寇初度六十贈詩

錫山施符卿見訪偶語及時事悵然有述

送之還朝

宋布衣自趙郡來以老無所歸有蹈海之

語詩以喻止之因館穀歸有園

雪夜漫興東宋布衣

立春日與宋布衣飲酒

除夕感懷

第二卷

詩 丙戌

元日登如如閣恭賀 聖節有述

新正二日如如閣觀雪招張沈諸文學偕
宋布衣飲酒喜而漫咏

春日贈張丈四首

送劉長卿山人還楚山人往參胡督府幕

茲附顧吳二參知書至

元夕前一日偶携宋布衣登芥納樓看梅

花盛開布衣摘花插鬢呼酒對酌賦此

元夕贈胡別駕時署邑即聞輿頌為贈此

正月廿二日集張甥伯隅園

徐沈張丘四文學往與余同歲為諸生屈

指已四十六年矣而齒皆躋古稀上下

春日偶集山園似有宿約真奇邁也留

酌賦詩聊存故事

劉子威僉憲與余相別甚久茲承造訪留

酌山園作

聞謗偶題

清明日掃墓享族人作

北庄題玉蘭花

二月廿七日再集伯隅園

春夜唐四叔達乘醉見過留宿山館

三月三日三集伯隅園

喜姚山人至賦贈時山人年七十四矣歸

自東粵尋欲赴閩因諷止之

偕姚宋二山人過程園看牡丹

寄訊滇南嚴冢宰病

餽魚戲東宋布衣

三月十五日四集伯隅園觀牡丹

立夏前一日李茂實進士邀賞牡丹集張

唐諸文學

寄訊楊太宰併賀七袞華辰太宰嘗薦余

於朝余去國時特祖之都門外久不

聞問詩以志感

海上俞子如比部冒雨見過留酌山園作

書二首

寄懷留都顧少司馬行之

顧別駕舜祥携酒西郊酌余舟中是日大

雨漫賦為謝
送孫邑博掌教廣郡

書鄭星士卷

玉上人持素卷索書書此

謝金醫士惠草花數本仍為手植小園金

年已八十有二

携酒祁江送侯士隆憲副起復北上二首

題孟光祿怡老園二首

寄懷留都朱儀部

送楊司理赴 召

送崑山劉明府赴 召

大雨書感

病起海曙樓漫興

華亭馮元敏學憲寓居吳門書來為我解

謗兼示台蕩之行時方臥疴歸有園寄

答二首

寄懷 襄藩周紀善

酌傅士凱博士時自建昌掌教移傅周藩

謝婁文學惠蘭
傅伯雅許惠側栢一年矣茲特移贈賦謝
如如閣獻花詞

慰朱濟之罷諸生閉門養晦

月夜沈六文携酒過餉偕張二文學至漫

賦

題陳道復畫折枝卷六首

題蘭亭圖

題樂山圖

袁比部履善相別十六年秋日移舟見訪

留宿山房感贈二首

馮咸甫進士章子敬文學各以詩贄中秋

夜集陽春堂漫賦

中秋八夕集沈伯咸水亭

醉竹篇贈栗如顧封君

海上秦侍御過訪酌贈

送王明佐還吳門

贈玉上人

九月八日莫山人公遠携其子自錢唐冒雨見訪賦贈二律

九日始霽胡中翰諸君同玉上人集陽春堂作

送宋布衣還新河布衣初來欲赴東海死臥病逾年竟依其甥歸意甚愴然

哭顧行之少司馬二首
婁子柔文學自治平寺讀書歸偶患目青

戲遺一律為訊
答詩附

以詩代書寄訊沈四廷望讀書治平寺二首

寄懷莫廷韓文學下第效長慶體
贈張毛二翁年皆望九偶過話舊

十月既望戲送菊本還植西庄
送王敬美之任南太常少卿

長至日同馮元敏學憲祝釐如如閣
寄答霸州王大司馬見訊

立春後書事

除夕家讌示曦稷二兒此夕聞雷

第三卷

詩丁亥

春正二日沈六丈暨周婁諸文學集海曙

樓感舊漫興

四日雪中作

送柴欽父進士使竣還朝

雨夜欽父過別留酌山園作

元夕後一日書異

客冬與馮元敏有銅坑看梅之約今二月

已破信使不至登樓悵然

雲間方衆父太守枉駕山園留宿漫賦方

春為知貢舉時所取士

春日訪大宗伯徐公作附

馮咸父以舊歲中秋別去臥病至今茲乘

春夜見過因謝予為序詩草止宿山齋

春臨分却贈

春夜偕婁唐諸子集沈伯咸園時予以病嗽止飲

聞滇中嚴太宰起攝大司馬遣官趣駕喜而賦此

春日寄殷夷陵無美效長慶體二首再得楊太宰書有拂衣之志懷舊志感

與唐金諸子集朱濟之看玉蘭花作沈別駕詰戎海上過訪留酌次韻答贈

陳別駕往會京邸茲再領河防行縣見顧酌贈一律

春日謁亡友李大夫人道身墓送屠博士掌教會稽

送屠博士掌教會稽送屠博士掌教會稽

戲贈張醫寄郭太史美命

寄龔水部汝修為潘茂才贈乃叔孔彰

送松江徐司理之任南戶曹

梅雨初霽海曙樓書懷二首效長慶體

種蓮不成書此解嘲

壽徐四老七十

大水湧題東王博士

偶書二首

有為余作勸駕語者書二絕句

沈六丈携酒過山園夜集子柔有作戲次

來韻貽之

原韻

附

秋日張甥伯隅邀余蕩舟集朱濟之揚伯

善唐叔達婁子柔四文學暨侍吾家二

小子兆曦兆稷可嗣飲中八仙即席口

書古用博羣和聯成勝會毋謂今人非古

酒人也

和作

附

次朱濟之韻

七月廿一日風雨大作呼沈六丈飲酒于

海曙樓日風雨大於前六文海曙樓
秋日毘陵張司理枉顧留酌山園作此詩
為贈

酌唐司理書贈

寄題信陽何少宗伯山園

八月十四日夜集妙喜軒唐婁二生沉醉

袒跣突來索酒喜賦二律用侑歌者

同賦二首附

八月十五夜南關放舟八子同集漫勒斯

咏

同賦二首附

十五夜次韻附

十六夜與沈婁諸文學集伯氏第

同賦附

哭莫廷韓

九月四日漫興

喜王明佐至

遺米送王明佐歸

悼申氏殤甥

書感

三邑博移舟見訪留酌山園作二首

九日伯隅有約以事阻不赴適諸文學見

顧留酌山樓書此遣興

十日伯隅復邀余暨諸文學賞桂是夕聞

歌月明如晝

九日憶朱隱君時已蓋棺逾月矣愴然有

作

劉河夜泊

宿外家王氏感舊題壁

與諸文學酌沈廷望二絕句

題婁道人卷

家兄席上題事因憶殷無美太守書三絕

無句二十八字

書寄劉大將軍

夜過沈六丈飲

王司寇元美相別四年茲枉顧山居作十

三二韻
海上顧符丞壽章

李茂實新堂成與諸文學夜集

無題二十八字

艷曲五首贈伯氏所歌兒

十月望夜雨集寶綸閣余行毆雨酒令俄

興而雨止月出大是奇事喜賦短律令侍

兒和歌暢飲候曙

偶題遺子柔

冬夜集張別駕賞菊

吳淞夜泊書夢

六十六自壽效長慶體答妻子柔見贈時

又次子柔韻

原韻附

漫題六言絕句

為朱子道治喪具作

長至日書感

歸有園稿

和王元美司寇見過之作用韻

原韻附

和司馬公飲歸有園之作用韻

原韻附

海曙樓飲李婁二子漫興二絕句

承司馬公再疊予作仍用韻勸駕迭賡二

首

原韻附

徐四老置酒甥館邀余諸同好夜集戲題

二絕句

海曙樓夜漫有所嘲

題歌者病二絕句

無題

三疊王少司馬韻再寄趣駕

除夕書懷

第四卷

詩 戊子

元日偕子柔廷望集伯氏館

三日雨再偕子柔集伯氏館

四日邀伯氏暨子柔集寶綸閣

第四題倩示瘍二絕句

嘲倩擇婦歌

婁宿之文學以人日初度六十贈詩

迎春行時集伯隅甥館贈歌者併戲遺傳

博士

十二夜偕子柔集伯氏館暢飲達旦作二

首

十三夜酌諸鄉老值雨殊不盡興漫書二

絕句

十四夜偶集丘五老張二丈賦二首

元夕篇

十六夜集伯隅甥館值雨即事四首

十七日雨坐海曙樓作

代倩送隴西君之吳門二絕句

送王元美司馬之任留都

贈歌者倩二八生日詩二首

不寐

朝周畫師為倩傳影尋被目青

喜兒輩掩關讀書

代倩送髮禪君讀書婁城二首

廿日雨樓坐撥悶

廿一日雨又書二絕句

題福橋

題唐伯虎畫六言

廿二日雨獨酌偶倩至與之賭酒滿奏奇

捷喜賦二首

題昭君出塞圖二首

樓雪有懷子柔就試吳門兼致倩意二首

痴兒二首

漫興二首

樓雪有懷叔達不至漫賦短律

春荒志感

海上秦侍御少說自吳門還見訪留酌二

為倩題照和子柔二首

舊識沈氏侍兒相別四紀今頽然成翁矣
予豈無流年之感餉以蜀扇二為書二

絕句

春夜偶題二首

花信二首

詰情漫題

火鴉

江夜嘲子柔不寐

婁江餞別王少司馬二首

婁江夜泊

謝張二饋酒諸友頗嫌其水長書此解嘲
戲書貽諸知己

春夜即事貽同遊諸君二首

梅花

偕諸文學出北郊看梅興盡與酌賦此

芥納樓集諸文學作

遊西隱寺感舊作

得姚山人所寄用晦宗侯書戲題此

寄答用晦

姚山人遊江湖老矣茲將詣金陵鷺峰寺

不為埋骨計余喜其任達贈以二絕句

施粥

大風

官糶

三月九日喜晴

與丘別駕乞蓮種約花開時以酒酬之

清明展墓作

倩兒加冠客有阻之者戲題二首為

偶書所感二首

紀日異亦三月九日事

四月十七日寶綸堂邀家兄暨諸友文學

賞牡丹時值久雨僅卜斯集

為人題竹贈楊博士

題雁龍閣贈熊明府

重五日陽春堂宴集因出往年上賜諸

節物示客適值初晴感時有作

沈伯咸徐孟祥一文學讀書石岡精舍移

舟訪之留酌賦此

書事二絕句

喜雨有序

申甥同女郎歸寧喜賦

韓太守詩來乞館頗傷其貧裁寄短律

送見空上人往西洞庭聽經

夏日過李茂實進士留酌觀蓮與朱唐二

山人同集

贈莫子良方伯初度八十

偶過東溪醉題時張甥客金陵

戲題二首

題襄府中和園

送曦稷二子鄉試二首

早極雨不應禱愴然題此

自夏入秋不獲一雨能令君徒跣齋籲者

殊久之忽沛甘澍農心大暢喜而作詩因

以爲賀

七夕集伯氏館

秋日園居雜興十首

偕諸文學集伯隅園看木樨盛開因憶曩

早遊遂占二律時伯隅赴試金陵私有所

祝對二律

哭盧生二絕句

唐叔達過余頗詫中秋釀飲之樂余惜其

座無侑酒者追念往事賦長慶體一律

十四望夜邀諸文學宴海曙樓

贈莫子良方伯初度八十首

偶過東溪醉題時張甥客金陵

戲題二首

題襄府中和園

送曦稷二子鄉試二首

早極雨不應禱愴然題此

自夏入秋不獲一雨能令君徒跣齋籲者

殊久之忽沛甘澍農心大暢喜而作詩因

以爲賀

七夕集伯氏館

秋日園居雜興十首

偕諸文學集伯隅園看木樨盛開因憶曩

早遊遂占二律時伯隅赴試金陵私有所

祝

哭盧生二絕句

唐叔達過余頗詫中秋釀飲之樂余惜其

座無侑酒者追念往事賦長慶體一律

十四望夜邀諸文學宴海曙樓

十五夜集伯氏館漫賦二首

十六夜宴熊明府暨王張二學博作

十八夜集李茂實館戲題二首

次倪雲林江南春詞

贈封君六十初度

秋夜聞兩兒落第書此自慰

書示曦稷下第

偕諸客城南看菊

情詩四首

病

送李茂實會試

送金子魚會試

遣興

病起書事

六十七生辰戲題自壽效長慶體

十月

遣興二首

偕子柔輩飲小曼所作二首

雪日偕潘仁卿挾小曼飲酒作

贈吳畫師

迎春日戲題二首

立春二日集伯咸園作

席間偶與子柔談常南康故事志感書二

絕句

第五 蜡月廿七日招子柔與倩同浴

廿八日喜雨作

小曼雨中被跌傷眸三日匿不相見詩以

山嘲之中姪起對相三日對不勝其言
除夕家讌飲至酩酊歡然書此

第五卷

詩 巳 丑 巳

元日試筆
元日試筆
元日試筆
元日試筆
元日試筆
元日試筆
元日試筆
元日試筆
元日試筆
元日試筆

二日集海曙樓朱大刀自詫武藝甚習因

值新婚試之無驗眾以為笑戲投此詩

三日偕子柔輩過伯隅館作

四日集伯氏館以客眾分席左厦偕叔達

子柔小曼密飲作

五日獨坐海曙樓遣興是日寒甚

六日芥納樓觀梅梅未大發裁詩寄興急

外 遞花神

七日飲陳參君諸文學大集

子柔嗔曼重習弋陽舊曲醉中誤出穢語

十醒復悔之更裁五絕句相解予如其數

十代曼作答

偶題

十一日大集龔伯起館

十二日與諸文學集芥納樓看梅花盛開

十三日夜飲伯氏館戲遺子柔予吸其燂

十四夜飲伯隅館月色微翳酒後登應奎

山作刺參武諸文學大集

代倩自海上寄答子柔次韻四首

望情不至却寄子柔同惜二首

子柔同賦附

送叔達赴王司馬辟二首

十五夜家宴集諸文學二首

吳門顧水部蔣少參見過留宿山園兼有

所期爰勒斯詠

贈仁卿

偶題

贈唐司理母夫人壽章

贈丘五老

潘仁卿詣吳門聽經復以導引術傳人或

西有誦之者書此馳慰

西游詩有序

水北關放舟留別諸送者

公塘夜泊

繫舟鹿城金氏諸小舅以外姑意置酒相餉

申錫載酒相迓閭門河下

徒步遊虎丘

憩佛國軒偶題

登虎丘浮圖

集虎丘竹亭招羣僧飲有小侍者行酒

宿楞伽寺遇雨志舊

登上方寺樓

自瀆口歷天平望天池途遇大風作

丘婁二子登天池絕頂為書此志奇

蔣少參携榼追入天池見餉感而賦此

贈朱頭陀

瀆口遇見空上人

丘婁二子更登天平絕頂

故遊王明佐枉顧閭門舟中以布十端為

還經鹿城諸小舅見集與倩兒賭酒不勝

爛醉別去詩以嘲之

還家志喜作

哭見空上人二首天出身隨風而逝此

哭嚴伯阜文學二首自為書此志哀

送張司訓傅趙藩二首金馬人風羽

喜蓮池成有懷子柔在婁城却寄

自五月至六月不雨菽已失時秋事無田

熊令君露禱虔甚所謂良工獨苦作憂

旱篇貽之

久旱書事用紀民謠

崑山庄家突生蓮花乍起乍滅書之紀異

贈嘉禾王大參

讓倩撞人却寄子柔同誚二首

六月十四日與張甥輩飲有二歌兒侍酒

題二絕句

十六夜集伯隅園

無題二首

悼往詩十首有序

送張比部之京

郊西餞別張比部還集匯龍潭作

沈六丈携酒過賞荷花集仁卿子柔實父

廷和伯隅暨曦稷二子作

王大司寇枉顧留酌山園集諸文學有贈

司寇公以詩來謝頗憶舊事用韻却寄

陪王大司寇集伯隅園是日公有酒肉之

禁

奉和司寇公集伯隅園之作用韻書二

過宗伯徐丈留飲山池出明章佐酒附

七月十二日稷兒舉子稷為伯氏後因以

志喜

中秋日送王大司寇之任留都

携榼賀伯氏般房

王明佐持余釋褐時書見示恍如隔世矣

因悲其窮戲題二絕句

海曙樓獨坐偶有所感遂題二絕句以寓

主雅譔

壽胡竹山中翰七十初度

送徐君表赴貢試

中秋夜偕丘潘二文學泊舟西郊候月兼

遲曼兒已竟如願爽然賦此

舟過太倉蒙兵憲公暨州大夫再三遣候

余匿不敢通安在野之分也漫書二絕

句

曼兒病疴題二絕句見慰

代倩讓子柔爽約二首

丘五丈自舟夜不告余而去云有雙鳳看

孫之行書此以傷其勞苦

持小餉送潘仁卿還家

壽王詹錄七十效長慶體

雜詩四首

九月朔日俞子如比部見過話舊

崑山王金二舅過訪留酌

移舟北關外與子柔伯隅看芙蓉花歸偶

六有所思賦此

九日集匯龍潭漫興東子柔輩

祁江秋泛王大司寇元美寄書見懷偶談

時事俛惠詩扇用韻奉答

倩兒病起書謝陸醫

贈鄭司農其父大司馬屢立邊功雙鳳雀

冬夜宴鄭司農

除夕家宴示曦稷

第六卷

詩 庚寅

元日祝 聖後試筆

桃花書屋歌 有序

正月十八日倩兒生辰題二絕句

郭趙州哀輓

贈馬大將軍

壽內五十

送徐君表應貢北上

獻花致語爲歌兒祝內十首

送顧太史起告還朝

朱濟之邀余看海棠花丘張潘三君暨曠
兒同集有歌者倩侍酒作四絕句

倩兒偶有所苦戲題一絕

王太司寇予告歸訪之弇山園

端陽日方山人見過留酌草堂

江上偶題嘲倩

送周撫臺赴任南少司徒

送李兵憲開府三吳

贈周塾師

送丘五老之金陵請經

壽秦少說七十

壽袁履善七十

燒酒行示兒輩

第七卷

詩辛卯

元日試筆

附除夕書懷效長慶體

三日枯坐空中有懷子柔作

大司寇王公輓章二首

人日集張二丈館喜雪

朱濟之以扇索詩偶贈一律

燈夕詩有序

十三夜集沈伯咸館衆有所遲已果如願

題二絕

十四夜集寶綸堂曦兒置酒爲余稱觴

十五夜集北里稷兒館中

十六夜宴侯大參與諸少俊同集

十七夜邢進士先酌余于匯龍潭繼赴縣

公使院之席各贈一絕

十八夜值倩兒生辰邀諸少俊集逸老樓

中因識隱語用攄壯懷作二首

寄懷大宗伯沈公

勸善偈四首

送唐叔達游都下

贈孔炎宗侯父子膺薦

慰孔炎失孫

寄孔炎

謝人惠茶

夏日雨集李進士園作

為西隱僧詣馬開府乞施

重五日憶子柔在宜興赴試

子柔以數字來謫倩近事書此寄慰

屠儀部長卿自四明來留酌歸有園

本贈二首

重五日集匯龍潭同長卿漢卿輩觀競渡

竺林院與長卿漢卿諸君小集

子柔試畢歸太倉代倩致訊

楊大司馬枉駕歸有園留酌有贈

崑山顧進士懋宏見過留酌陽春堂因盛

林稱予文予甚媿馬書二律答贈

寄設無美職方

董主客自吳興來訪

送子柔赴試金陵

代倩送李中翰還朝

秋夜飲顧宮贊園亭書二軒各韻

壽張翁八十懋宏良與留酒酌春堂因題

送馬敏卿再任川中督學酒亦韻

中秋夜憶曦稷二子方在棘園對客遣興

稷兒自白下試竣還家喜而有述無憶曦

重兒

奉寄南大宗伯王公

寄贈江陵張中丞澤民撫明二首

慰子柔下第

曦稷二子南北下第是秋僅獲家倩之捷

聊成戲述效長慶體

九日南城鐘樓偕子柔諸俊時方落第歸

爲此遣興

九月十日侯參知邀余同丘五老暨楊伯

善潘仁卿妻子柔二文學集竺林院

贈如隱張翁

送王博士北上

書示閔三一絕

贈許錦衣穉榮

送李中丞 予告還虔州

壽玉陽戴甥七十

七十自壽詩十首

歸有園稿目錄終

柯成名寫

歸有園稿卷之一

詩編 癸未甲申 乙酉

明吳郡徐學謨叔明著

華詩

得謝大宗伯事 陞辭志感

詔許辭榮歸海上 恩承馳傳下螭頭 虞廷已得

成夔讓周事 何須仗奭留三殿 受釐虛夜直九龍

陪輦罷 平宸遊水霜遠道堪回首 紫極雲深護

冕旒

昔向別翟德夫同年 時客成國所

君向朱門咏蒯緱余歸東海卜菟裘 殿中初納

尚書履湖上誰同范蠡舟對酒可堪垂老別當歡

難忘少年遊故山藜桂宜招隱明月蘆溝迥暮愁

為夔奉酬張大司馬肖父自薊鎮遺詩贈行因次

詩信翰來韻

薊門寒日黯無輝岐路相看戀 裘衣給傳 恩

華蒙 主聖解綈交誼似君稀留侯已識橋邊石

端木初聞漢上機得意故人須努力匈奴未滅莫

言歸 國語卷八十一

共原韻 附

張佳胤

承恩馳傳倍光輝未老陳情竟拂衣雲裏帝城

供帳盛雪中車馬故人稀五湖舊業堪雄長三

徑浮生且息機却憶當年同座主牢籠無計與

無同歸

出京口號十首

春明門外雪漫漫倚劍休歌行路難萬里浮雲看

漸捲舉頭紅日是長安

其二

驪歌聲斷馬蕭蕭供帳群公事已遙滿道祖筵真

曠舉都人指點說身先朝時九卿餞席久廢楊太宰特為余復此曠典

春如其三靈曼曼尚儉朴媚許却饒萬里雲

賈誼憂時意不群轉令漢事日紛紛中朝絳灌原

無恙清淨於今說孝文

其四且息對林對當平同望在宇請無信與

任從皇祖到東文孫供奉三朝禮數溫起草蓬

萊懷往事眼中黃髮幾人存首言對林水雲東帝苑

其五簡

聚卦簡

秋時大峪扈飛龍矍人今已似翁穆卜初成臣

可罷雲霄咫尺望重瞳

其六對茶旅會味以業射徒刻通煥何必南

功名炊黍片時過文武流光可奈何誰謂黃瓊堪

顧問侍中還是少年多

其七西日水共融鑠平密川竹前跡不計風

盛世抽身可自由一封解組若為謀幸因肺腑歸

骸骨絕勝班生恨首丘

其八下密大毒對平來關事無今日云東部

何緣清世有潛夫垂拱年來闕事無今日江東猶
似昔却嫌時已過蓴鱸

公無渡河河已冰舟航難作濟川行前程不怕風
波惡周道於今似砥平

衣白山人僊者流曾將幻業博封侯歸歟何必南
衡好吾自東尋滄海頭

慈恩寺留別太宰楊公少宰沈公予入京時

常駐宿西方丈

機務於今有二公張衡一去四愁空群龍端拱
天日老驥寒嘶大鹵風清世掄材憑水鑑他時補
袞代天工逢僧莫漫論飛伏長住惟應是梵宮

承癸未詞林諸君祖送書此

沙丘選驥不辭勞雲錦看呈五色毛自是神駒於
獨步相逢猶識九方臯

真空寺留別澤民司封

當年絳帳對昭丘此夜離筵念舊遊繡佛燈前傳

數語滿天涼露下蘆溝

夜過任丘偶題

今宵偶過灞陵前醉尉相逢劇可憐
莫訝世情如紙薄將軍歸種隴西田

雪中次白溝河宋都運自容城携酒追餞宋

故鄖陽守余嘗薦之於朝已爲承望風

旨者劾罷別贈短章

文祖揮戈地陰風尚慘然故人能載酒殘雪送歸年
種荳那堪問歌驪漫自憐無階重推轂共咏白

駒篇

謁孟廟

遺廟黃雲合殘碑古道傍七篇存俎豆千古儼宮墻
秀拱尼山近風標岱嶽長空林暗飛雪何處覓椒漿

次彭城姜民部莫兵憲酌余使院東署

閉門殘雪大河陰二妙何緣載酒臨歡動
已泮語移清漏夜初深公餘未厭凝香樂宴罷惟聞坐嘯音
問我留書無一字止因衰病乞雲林

登彭城署樓喜河工告成次壁間韻

歷覽中原合有樓天涯晴日坐消憂青陽喜逼家
 堪問白髮羞垂國未酬鷗鷺自依烟渚宿蛟龍
 不費水衡籌停驂擬獻河平頌魏闕風雲夢已幽
 南徐遇唐京倅北上留酌公署唐故膳部屬
 郎喜而贈詩唐為昆陵應德先生子
 自昔彭城有宿緣名家風氣故翩翩久拋簪紱廿
 長往忽傍雲霄尚左遷別駕頗榮京兆府當筵須
 贈繞朝鞭異時題柱還堪憶况是逢君躍馬年

彭城道中書所見

驅車古道旁凌寒凜相詫胡然天雨水封條密無
 罅過耳恍憂鏗凝眸轉盪射借問此何祥蒼莽歸
 造化人言木介生恐有達官怕方今泰道升國
 家正閒暇何人復履霜居高不肯下禍患亦儻來
 吾今已得謝鄉路匪羊腸逡巡促歸駕

過東平其守常熟陳君以南比部郎謫此頗

有所懟戲書六言相慰
 得勢從他儼薄栖卑漫自踟躕四序忙中消歇一

官暗裏乘除

宿州吳守偶談及其族祖文端公因書此

禮部堂鄉嘗贈予袍帶有衣鉢相傳之祝乃今稍驗

當年國士竟誰知衣鉢傳來匪我私今日逢君談

故事九原千古曠襟期

宿臨淮驛李方伯夜過話舊

中宵逢故人孤館月華新漫憶湖湘事同為草莽

臣冰霜知歲盡信宿見情親漸覺鄉關近無勞數

問津

滁陽飲龐子儀廣文

環滁山水故清佳博士傳經占絳紗最是首般能

享客一杯相對說天涯

又次真州始見雨

前旌衝雪下燕臺一路愁雲鎖不開纔近江南春

意動風吹微雨過江來

謝汝渡江

金焦相對會逢迎不盡經行萬古情惟有中泠泉

自在可能為客洗塵纓

歸本園和
言系卷之一
自五 毘陵飲同年白光祿園

不謂才如此君歸有歲年中林塵事少短榻故情
偏北極辜 明主南山種舊田自今還往後相望

五湖烟水好雨盡云來

前秋除夕泊崑山作 欲愁雲澹不開 蘇武山南春

咫尺望柴荆栖栖滯玉城正逢年盡夜未了宦遊
情呼舞仍釐祝淹留尚客程寒潮流到曉側耳是

春聲

山木好音封對士軒 點古松 綠景吳首 幾

還家四首 予對 贊文

黑髮辭家白髮歸歸來重檢薜蘿衣園名歸有今
真有揮手風塵此息機

其二 蘇南 對士 良詩 山園 外韻 之 卦 因 大 未

山居容膝已云寬莫作尚書府裏看揔道無堂開

綠野也應風雪避袁安

袁安亦晉太尉

蕭林 高 亭 前 齋 柳

解劍其三 對 對 車 對 星 對 卦 對 鼓 對 鼓 對 公 莫 問 命

相國調和合避親 主恩猶拂敝帷塵還山已得

尋巢父傳 旨俄驚逐佞臣

三平其四 五 蘭 臺 北 日 外 然 烟 草 來 舊 歌 翻 章 鏡

三年供事在蘭臺此日依然臥草萊舊賜麟章歸
篋笥榮光猶自燭三台

贈朱明府出郭施賑

黯淡春雲傍使車披星還往遍郊墟愁心莫問滄
桑後起色行瞻補助餘前導不驚林鳥夢清齋聊
共野人蔬宰官故有菩提念此是孤園證果初

答馮咸甫進士見訪山園投贈之作因次來

韻

三朝出入沐恩多晚乞青山種薜蘿事外柴門

終日掩雨餘苔逕故人過清時不作離齋語空谷

初聞伐木歌酬 國無功羞覽鏡誰云雙鬢未全

皤

原韻 附 馮大受

滄海春來紫氣多金魚焚却臥烟蘿東山自極

閒中趣北斗渾忘夢裏過邊域猶傳司馬姓詞

場獨擅郢人歌試論海內諸元老若個功成鬢

未皤

送邢侍御遷湖藩少參時按吳中有請賑蠲

租之惠偶坐蜚語因詘其格

澤國遺黎控使旌頻將封事達 承明三江乍喜
逢春色六傳俄聞過楚城簪笏幾年占氣色行驄
隨處見平生浮湘莫作繫臣賦千古牢騷黯別情
過張甥伯隅園賞牡丹作
東溪問春事閒日杖藜過酒湛輕香入花繁小摘
多綺應嬌素髮艷爲潑晴波勝賞思京洛歸來已
試羅

送龔博士宰東鄉

龔武
昌人

楚水連匡阜吳雲黯鄭疆一經初輟席千室自鳴
絃雨色蘭橈外風聲竹馬前古來循吏傳渤海故
稱賢

喜雨贈朱明府

四郊焚却晝飛沙良牧憂農意轉嗟忽覩濃陰生
海嶠旋驚甘澍潤桑麻滂沱應禱符三日霑足騰
歡徹萬家絕勝桐鄉頌朱邑布金功德故無涯
殷無美進士初拜峽州守歸留酌話舊作十

三韻

憶昔雲霄地逢君幾醉歌一朝人事改三已 帝
恩多爲是踈機械非關畏詆訶歸來歎離索汗漫
狎松蘿岐路疑相失高軒復此過春雷滋徑草日
月辨庭柯座已縈蛛網門今破雀羅故驩仍嫵婉
良夜莫蹉跎意以題橋得顏從繼燭醜專城刀夢
遠倚馬珮聲和龐德終耕隴袁安令臥疴片言銷
骯髒往事邈江河明發西陵道憑誰問在阿

題文內翰寫椿萱圖爲顧甥壽二尊人七十
効栢梁體

古來靈椿歲八千萱花却樹北堂前萱本忘憂
實堅以比父母之高年內翰丹青張壽筵生綃一
幅爛雲烟玉城顧氏閼閼綿於今屈指白眉賢
蘄州別駕早歸田孟光舉案偕華巔禮云七十老而
傳精神不減地行仙大兒小兒羅膝邊文采上映
奎之纏鳳毛麟趾鬱相宣世間三樂誰最先謝庭
玉樹森踰躑持觴擊鼓喧駢闐滿堂燕喜酒如泉
展圖賓客俱嫣然願言養志光遺編揚名詎直綵
侍偏他時試看羽儀鮮海天一擊雙騰騫公侯復

始戩穀延相國舊堂霖雨懸吾爲題此椿萱篇

送殷無美之任峽州十韻

會識南荆路看君賦遠征山川隨五馬冠帶控三
城炎月移官舫滄洲見吏情巡阡分鳥道臥閣聽
猿聲地接巴人國天清漢帝營尋源巫峽近彌望
渚宮平司馬多奇氣深源復令名因知理人暇應
羨著書成黃髮甘遲暮青雲仗友生爲余訪耆舊
臨別重牽縈

送楊丞之任廣西郡幕

滇城雖萬里貴竹故同鄉去棹迎湘水旋旌拂點
蒼主恩無遠近吏道尚循良幕下資參畫賢聲
自練塘

夏日馮山人邃自雲間見訪有作次韻

文武勲名意自闌徒聞海上有神山舊游已憶六
年別新築初成十畝閑草閣餘寒踈客鬢芸房清
夢遠朝班升沉世事君休問水月禪心只閉關

秋日送顧太史起告還朝

吾向山中飽蕨薇君歸天上侍皇闈彤騶乍引

三秋色藜閣重涵五夜輝南斗星辰森欲避北門
聲價故應稀趨 朝恰及承釐祝 天子方垂萬

歲衣

雲間馮元敏學憲自貴陽謝事歸訪余歸有

園信宿而別賦贈二首時重九後二日

貴竹行驂度海湄山中相見益秋悲伊人不廢藁

葭咏窮巷惟應鳥雀知彩筆雲霄虛想像碧巖松

柱漫論思空端樓閣深宵語絕勝平原十日期

其二

君從張翰賦歸來不為松江有四腮拙宦曾逢魑

魅問寧碑已到夜郎開因踈世械驚新語自愛玄

亭出舊醅今日尚淹萸菊會月明清嘯一登臺

張唐二文學夜過草堂留酌賦贈二首

塊處疑無賴因君卜夜遊久虛三徑益肯為一尊

留竹色過鄰舍茶烟近佛樓所欣人似玉片語即

綢繆

其二

徂春一相見荏苒薄寒時霜菊留殘朵雲松識故

蘇東坡詩集卷之二
詩集卷之二
二百五十七
枝新篇嗔汝逼獨行少人知絕學書全廢從今莫
問奇其二

送吳縣傅尹赴 召

花發滿吳都春雲望去鳧五湖稱茂宰四座盛文
儒得路擘騮並摩天鷹隼孤人今爭補袞 帝爲
輟分符臥閣留遺愛儀 朝愜壯圖頻年勞撫字
歷試摠轄虞父母心偏適東南苦未甦異時霖雨
佐沾灑及漑夫

上巳日偕唐叔達李茂實妻子柔集沈伯咸

兄弟園是日余戒飲

芸閣擲書靜花源載酒幽淡雲留几上疎雨過溪
頭修楔存吾黨忘年得勝游厭厭仍繼燭深媿獨
醒留

朱濟之邀余看庭前海棠是花爲其先公手

植感贈一律

餘春真可惜名萼舊相知垂白花應惱酣紅席屢
移故邀明月吐不受晚霞欺廿載承家意庭柯是
燕貽

嶽嶺崑山王舜華山人見訪答贈二首

小苑宜春晚逢君看竹來無堂開綠野有徑積蒼
苔池月斜侵幌林花綺泛杯楚然應自喜空谷不
須猜

其二

吾羨佳公子人稱小右軍廿年思別日一夕慰停
雲龍氣終當合鳳歌那可聞寂寥松桂色疑暎少
微文

寄贈王元美司寇避居東鄉修道

住近東溟地更偏始知人外即西天前身或擬維
摩佛有髮仍叅大定禪婚宦總拋諸果淨須彌無
碍一燈懸中軍廢後成何事垂老皈依種福田

和答附

王世貞

老來離欲正中偏差勝耆婆始上天累盡可餘
迦葉舞慈深寧愛辟支禪開械罔象欣珠得倚
杖長庚配月懸悔不乞公祠部牒也堪將換沃

州田

示孫恩兒

帝

而祖冒國恩致身歷宮保餘波潤後人孫枝亦
榮好釋氏眷徐卿天意詎草草始生厄靡依大母
縈其抱携之入京師拊摩徹昏曉骨相古峻增靈
光發襁褓瑩皙比珩璜吾衰以為寶隔壁聞書聲
誦言日不少突弁即成青雲路非渺常家述祖
詩榮名希永紹

王世貞

示外孫留兒

念汝方七齡而爺倏奄棄門祚日向衰今年復殤
弟阿母苦於荼育鞠良不易燈下顧影形床頭課

羣句箋緒或可延生兒特聰慧雖當舞象年已有

大人志簪履自尚書伊祖康箕裘允相繼何以報

母恩龍川有前記風雲不在遠冰霜以自勵試占

復始期詎須在五世

梁伯龍投詩見訪忽患疔止宿城西書此奉

答

有客初移訪戴舟新詩先寄海西頭夜來豈有原
思病秋至難禁宋玉愁爽氣自能驅二豎輕寒何
必問重裘便將浮白當良藥臥爾應須百尺樓

聞兒輩落第效長慶體解嘲
萬念深秋轉似灰飄風過耳亦悠哉沙丘自缺龍
媒選廷尉休將雀網猜屋下古槐堪睥睨山中叢
桂好歸來而翁知被浮名誤休羨黃金郭隗臺

為俞山人送劉明府入覲

五褲歸來又六年雙鳧飛去再朝天玉巖霜色凌
清節金殿春光敬御筵日藹庭階聞讓畔風
傳機杼應鳴絃山中有客思劉寵乞得新詩當一
錢

中泠館詩為應山宗侯賦

金山控海門上有中泠井江自岷山來洪濤浩千
頃同是江心水在在可施綆疇稱第一泉世人誤
不省君侯束維城幽意苦難騁矯首矚四遐滄溟
恣延領長卿消渴年鑿地窮深靚酌水貴知源誰
非天一境一室生茶烟窅然松桂靜世間佳山水
所在皆箕頰為復殉其名幻心逐流景羽經不可
憑仝碗徒為逞能作如是觀坐令香色屏

送朱尹入覲

獻歲衣冠集紫宸蕭蕭行李發江城鳴臯獨鶴吳
天曉遶闕雙龍漢苑春漳浦留棠爭勿剪御筵

題墨羨重新于今側席思循吏海內如君復幾人

王元美司寇初度六十贈詩

自識雲山有宿因偶從塵劫悟迷津文章豔世終

窺定軒冕隨緣不離真祇樹成林今幾歲曇師入

室竟何人由來壽相原非相莫問人間甲子新

錫山施符卿見訪偶語及時事悵然有述送

之還朝

賜骸應識主恩寬新築山居傍海湍在野不

華髮短中朝無事老臣安三年殿閣同宵直

一臥松筠感歲寒霄漢故人終遠到世途莫作孟

門者

宋布衣自趙郡來以老無所歸有蹈海之語

詩以喻止之因館穀歸有園

短髮蕭蕭一衲餘東尋海若來吾廬人生百年等

過鳥君輕四大將爲魚會聞西伯善養老且讀南

華未了書仲尼欲浮魯連蹈千秋斯語都成虛

雪夜漫興東宋布衣

海上同雲覆苑居六花飄灑遍階除清分玉樹凝
香後瑞藹瑤林應臘初度閣潮音參靜界窺簾夜
色晃吾廬此時不醉盈尊酒枉却閒身坐玉虛

立春日與宋布衣飲酒

雪後逢春霽景開海天霞色近蓬萊香林數問梅
花發綺閣初迎采勝來為憶書雲會侍蹕相携乘
興且登臺蟻浮鷗泛年年事燕筑吳歛首重廻

除夕感懷

前歲今宵奉 紫宸爐香清引屬車塵夔龍祇今
承休運箕穎猶堪作外臣歡動舞衣兒女會歌傳
擊壤太平春老來不廢婆娑態擬賦椒花頌 聖
人

歸有園稿卷之二

詩編 丙戌

吳郡徐學謨叔明著

詩

元日登如如閣恭賀 聖節有述

瑞藹紅樓現佛光朝 天銀燭共輝煌條風漸拂

祇林曙午夜如聞漢殿香 宸極由來懸北斗歲

星原自識東方蕭蕭白髮江湖遠想像金莖萬壽

觴

新正二日如如閣觀雪招張沈諸文學偕宋

布衣飲酒喜而漫咏

春朝歌枕聽鶯遲起傍寒林
先鬢絲為愛天花彌
淨上坐看祇樹散瓊枝
虛無樓閣三清界
飄灑風烟五出奇
對酒不須辭大白
豐年偏與醉鄉宜

春日贈張丈四首

曾憶羅溪舊酒樓
田家相見倍綢繆
白頭事往人猶在
屈指風塵四十秋

其二

亂後離家較幾春
城居相近不相親
聞君日示維摩疾
笑我東西南北人

其三

蝸角旋拋與世違
郎君初自豫章歸
菜衣舞罷承歡處
轉覺閒身戰勝肥

其四

吾向中朝晚挂冠
獨開三徑若為歡
梅花已發春光好
待得君來倚杖看

送劉長卿山人還楚山人往叅胡督府幕茲

附顧吳二參知書至

蚤聞幕府得陳琳垂老相逢練水陰天外八行勞
寄訊山中一語惜知音帆歸夏口東風便家近樊
塘春草深我亦湖湘前度客送君猶有故鄉心

元夕前一日偶携宋布衣登芥納樓看梅花
盛開布衣摘花插鬢呼酒對酌賦此

凍蕊寒葩開較遲銀燈琪樹爛相宜窺簾紅綻東
風後倚閣清酣細雨時試聽幾家橫玉笛欲招何
客醉瓊卮知君已向江南老故摘花枝媚鬢絲

元夕集胡別駕時署邑卽聞輿頌爲贈此詩

小院燒燈艷草堂六鼇擎月下扶桑太平樂事年
常少上客初筵夜未央歌罷禡襦開萬戶沸來絃
管促千觴誰調玉燭春無限黃髮何妨老醉鄉

正月廿二日集張甥伯隅園

開歲初爲客升堂且弄孫春寒須竹葉市近獨柴
門石徑雨餘滑梅花雪後繁因思樂志論隨處愛

林園

徐沈張丘四文學往與余同歲爲諸生屈指
四十六年矣而齒皆躋古稀上下春日偶

集山園似有宿約真奇遘也留酌賦詩聊

存故事

遲日園林獨掩扉舊交零落見應稀扶藜尚憶青
衿選避路初將白髮歸事後榮枯俱夢電尊前梅
柳漫芳菲旁人錯擬香山社吾是當年白傅非

劉子威僉憲與余相別甚久茲承造訪留酌

山園作

聞君志道欲安禪茂苑懸車二十年忽漫移舟祁
水上還如走馬秣陵前鶯花寂瀝聞春雨樓閣參

差澹夕烟自詫君平能棄世相逢片語各泠然

聞謗偶題

靈壽蒙君賜衡門候客稀不曾關世慮何以得
人非馴象終無術驚鷗尚有機空端一以眺天外
片雲飛

清明日掃墓享族人作

寒食西郊路春深細雨頻青山埋玉處白髮倚門
人攬涕培新土沿村問舊鄰貧窮歡飲福地下慰
情親

詩餘卷之二
五
北庄題玉蘭花

春城無賴百花叢別有孤芳在野中
瑩徹冰綃疑待月香飄羽節欲乘風
爲心不遣緇塵化過眼從教色相空
何似君公能避世可堪垂白臥牆東

二月廿七日再集伯隅園

春事行將晚扶藜信所如花陰與鳥語
甥館卽吾廬軟飯宜衰齒豐廚間野蔬
更矜濠濮興落日看遊魚

春夜唐四叔達乘醉見過留宿山館

誰家償酒債過我已深更春漏因君促
燈花見客生彭宣堪入室阮籍不求名
掃榻還松際明朝獨聽鶯

三月三日三集伯隅園

移舟沿水郭索酒到山家人外聞啼鳥
松間掃落花頻過多勝事易去是年華
及此春耕候鋤畦好種瓜

喜姚山人至賦贈時山人年七十四矣歸自
東粵尋欲赴閩因諷止之

往時相別處猶記鹿門山
漸向風塵老新從嶺海
還丹立隨處有白髮幾人閒
因以酌君酒長歌松
桂間

偕姚宋二山人過程園看牡丹

名萼宜爭艷鄰家見早紅
旋將花插鬢誰解色爲
空濁酒過牆易深春發興同
山中閒富貴管領是
東風

寄訊滇南嚴冢宰病

萬里緘書一鴈過滇池
消息竟如何向來藥裏關
心否前度棋枰賭勝多
太宰歸時留啓事中軍廢
後誦維摩于今共臥寬閒野
想像周王賦卷阿

飼魚戲東宋布衣

此是小濠梁觀魚引興長
隨緣還乞食在世未休
糧縱得逍遙樂難忘餅餌香
誰能逃物外吾欲問
蒙莊

三月十五日四集伯隅園觀牡丹

殘春惜餘景衰髮戀長林
樹密溪堪染花濃山更
深酒依金谷數簾捲玉樓陰
過眼繁華盡因知靜

者心

立夏前一日李茂實進士邀賞牡丹集張唐

諸文學

石欄沾雨後芸閣看花時色在心無染香隨酒更
宜風鈴開錦障霞綺散瓊卮冉冉將春去坐深人
不知

寄訊楊太宰併賀七袞華辰太宰嘗薦余於

朝余去國時特祖之都門外久不聞問詩

以志感

長安雪後祖行車歸臥山中舊草廬已識邯鄲炊

黍夢何須稽散絕交書曾宣哲惠勞推轂坐享昇

平穩荷鋤往日關西清望在儀刑今見杖朝初

畫海上海上俞子如此部冒雨見過留酌山園作二

豨却不肯

君以言事
誤被削籍

南省舊相親東溟訪廢臣始尋芳草徑三別曲江

春聽雨開芸閣臨風整葛巾玄經已無用深媿問

奇人

其二

吾罷金鑾直君辭鳩署歸上書良不易知己故應
 稀試歷雲峰際閒看鳥雀飛枕溪兼漱石一夕了
 塵機

寄懷留都顧少司馬行之

經時不寄秣陵書自信山人與世疎樞府晝長排
 畫戟沙村春暖趣樵車風雲舊業龍盤際水竹閒
 門雀網餘清世詎須論出處主恩前後未應虛
 顧別駕舜祥携酒西郊酌余舟中是日大雨
 漫賦為謝

輕舟漾前浦豐膳趣行廚以我避人出勞君載酒
 俱晚欣雙袂合雨挂一帆孤渺渺烟波外還同李
 郭無
 送孫邑博掌教廣郡

孫康文采照江東更捧除書過粵中鳥道千盤移
 絳帳羊城一帶屬春風羶寒不受炎蒸逼珠吐遙
 看海色空十郡掄材推首善須君籍奏大明宮

書鄭星士卷

過去榮華君所知未來甲子詎須推從今了得無

生理不到簾前問壽期
玉上人持素卷索書書此

世間文字總浮埃
常被浮埃掩鏡臺
師以空身游
幻界何須乞語頌如來

謝金醫士惠草花數本仍爲手植小園金年
已八十有二

橘井澆花花更肥
移栽吾圃助芳菲
惟得長眉如
雪白惜花原是活人機

携酒祁江送侯士隆憲副起復北上作二首

行矣若爲歡重彈
舊豸冠移舟烟郭外
對酒水雲
寬霜憶炎威避風標
壯日看趨
朝瞻虎拜
天子在金鑾

其二

皇路正清夷
經營及此時
五雲還法從
三楚頌恩
私苟氏占龍氣
公多虞庭見鳳儀
龐公相送意矯
首暮江陸

題孟光祿怡老園二首

曾識江南路
因聞地主賢
在官餘祿米
歸日卜林

泉背郭山浮玉浴溪花滿烟生年留七策門繫泛
湖船

首集其二

一壑終投老菟裘計未遲爲捐調鼎意聊遂灌園
私漢水乘舟處龍山落帽時孟家舊風味還許後
人知

寄懷留都朱儀部

祁江爲別共悠悠明月秦淮憶壯遊不信故人無
尺素相思遙夜有高樓朝雞漫唱金門曉櫪驥長
嘶玉署秋解道仙郎心似水吏情何處不滄洲

送楊司理赴

試吏鳩司已令名祥刑南國更稱平徵書日下臨
閭闔祖帳江頭擁騎旌法宿乍明雙闕里秋風初
動萬家城懸知獻納輝丹宸聖德由來頌好生

送崑山劉明府赴

坐鎮專城過六年召還誰不羨登仙帝矜民
力東南盡詔采賢聲撫字先漸長子孫同漢吏
行瞻日月近堯天請君試酌吳江水父老牽裾倍

黯然

大雨書感

毒熱不解何為哉
俄聞倒海喧如雷
魚愁沸鬱翻波去
鳥為憑陵遶樹來
物情反覆有何意
人事蕭條重可哀
坐餘了得清涼念
大昏漸闢光明開

病起海曙樓漫興

老夫一月不梳頭
病起初登池上樓
風外蟬聲聽到晚
雨餘山色淨如秋
翻經似共維摩語
歌枕渾同汗漫遊
時去偶然捐相印
著書那得為窮愁

華亭馮元敏學憲寓居吳門書來為我解

兼示台蕩之行時方臥疴歸有園寄答二

首

婁水日東流
君家水上頭
黯然收數字
颯矣迫三秋
不共張翰去
翻從梅福游
遙聞夢天姥
早晚駕扁舟

其二

臥病不知暑
竹風閒且清
美人何處所
芳樹若為情
已卜菟裘老
猶遺萋菲聲
徒然感知已
終媿道

無成

寄懷

襄藩周紀善

周旗人

襄中何必減滇中使者東來問寓公
華衮共榮小史筆長裾爭奉大王風
歸心杯落難辭醴浮世支離任轉蓬
聞道少陵遺宅在千秋文藻得無同

酌傅士凱博士時自建昌掌教移傅周藩

白首談經祇憶君山中對酒慰停雲
舟移匡阜仙源近

劔倚豐城斗氣分杜預著書原有癖

君有春秋左傳

註馬遷遊越故多聞

始任梁園自昔延詞客虛左

諸王候廣文

謝婁文學惠蘭

秋來長誦小山招忽覩幽花媚二毛
九畹相將堪

紉珮閒齋坐對續離騷

傅伯雅許惠側栢一年矣茲特移贈賦謝

由來嘉樹豫章宜宿諾初償未是遲
解得清涼

藥品千頭翠蔓老堪頤

如如閣獻花詞

色香逐花生還復從花委常人
被花媚心隨耳鼻

徒佛性本空虛照世如止水色香何由染爛熳徒
盈几佛固不愛花獻花亦何以人若不獻花此心
焉所倚試驗獻花時曾有一物累信口念阿彌低
身勤作禮未能博佛笑妄念差如洗詎惟妄念消
善念亦不起兀兀復騰騰無聞亦無視乃知獻花
心不在香色裏是心卽是佛是佛卽是已乘一果
無二菩提卽如此不須叅妙乘方悟西來指

慰朱濟之罷諸生閉門養晦

縫衣原不是初衣解却天袂別有歸試聽秋風中

夜起旋看木葉滿庭飛彌空幻影終飄忽閱世浮
名誰是非卑鷄高鵬隨所適何須散髮掩荆扉

月夜沈六丈携酒過餉偕張二文學至漫賦

瑟瑟風林待月遲西鄰携榼款東籬清尊不厭牆
頭過良夜偏于池上宜但聽呼盧歡醉客不因聞
鴈益秋悲山家媿乏兼珍贈惟有盤餐五色芝

題陳道復畫折枝卷六首

冰姿嬌玉蓋曾擅九標名月下移纖縞堪輝不夜
城
右李花

天然稟國香不受幽巖蔽赤節挺素華端居結霞
袂

右蘭花

艷不爭春麗香惟與露含小姬沾醉後寂寂倚清
酣

右碧桃花

露氣集芳藂千頭趁晚風淡粧宜小摘鬢鞦玉玲
瓏

右茉莉花

簷蔔矜靈種房分六出奇雖香不成艷暴日轉含
滋

右梔子花

丹葩呈碧葉經春復宜夏可佩亦可餐清馥珍無

價 右玫瑰花

題蘭亭圖

修禊山陰迹更陳于今圖畫墨猶新當歡豈合成
悲感大令能知過去身

題樂山圖

爲問樂山人山亦何可樂平地不見山此樂竟誰
托云何結靜因自性匪外鑠風從虛處生功乃歸
橐籥

袁比部履善相別十六年秋日移舟見訪留

宿山房感贈二首

曾憶投秦日重悲入洛平生從多難得公嘗逮繫詔獄貧
 却故交憐恨別終疑夢矜衰祇問禪對床堪永夜
 情劇不成眠

其二

秋來藜桂發似慰小山招鳥雀驚岑寂星河颯動
 搖風期將客至夜語記年遙陶峴忘家者頻過挾
 小舫

馮咸甫進士章子敬文學各以詩贄中秋夜

集陽春堂漫賦

天鏡光涵秋滿城深宵偏傍少微明雲間二妙稱
 才子池上高篇避後生隔竹潮音悽對酒看松露
 氣薄沾纓東山一臥交游冷巖畔猶餘擁鼻聲
 中秋八夕集沈伯咸水亭

遲月夕陽盡清輝忽滿樓筵開青雀舫地近白蘋
 洲花隱滋秋媚魚歡趁夕流少陵搔髮短如續漢
 陂遊

醉竹篇贈栗如顧封君

竹本不解酒云何以醉擬五月十三移竹晨謂其
不知如醉耳人世由來忌獨醒竹以能醉全其靈
中山千日總如是飄搖撼擊都冥冥紛紛物態無
不有動見楊枝棘吾肘相將酣暢入華胥萬事無
過一杯酒乘亦不知蹶不知醉人于此窺天倪若
到頽然最深處三千世界誰町畦羨君宿慧自天
種結胎况與貞筠共清韻疑從嶰谷遺采毫爭爲
兔園重心期奏賦明光宮當年意氣凌秋空虛中
勁節隨所用紫苞碧幹毗天工待得雲枝分嫩綠
翻然結束甘懷玉開花垂實爛丹崖祥鸞威鳳同
棲啄抽條裁籜被巖廊獨抱孤根凜雪霜亦知混
沌堪遺世姑托篔簹悟葆光七賢六逸誠高潔標
榜聲光太昭揭至道無爲似飲醇真醉何須耽麩
蘖

海上秦侍御過訪酌贈

江行何似剡溪船一水遙看匹練懸海潤初收樓
閣曙秋聲颯動鴈鴻天曾占風采餘驄馬自愛山
居卽朝川 聖代英靈空在野對君長咏白駒篇

送王明佐還吳門

長日望君來君來又却回
獨吟秋水靜相對舊醅
開二鳥貧能賦一寒老可哀
慙無祿米贈別忌香
難裁

贈玉上人

行脚隨緣一鉢携
尋師所至卽成蹊
閒繙貝葉魚
爭聽高掛袈裟鳥
共棲悟世但教空色相生天那
復問東西坐來拈出如來指
風度前林月滿溪

九月八日莫山人公遠携其子自錢唐冒雨

見訪賦贈二律

廿載一相見况逢秋杪時
黃花宜對酒白髮共如
絲太瘦緣何事長貧祇爲詩
扁舟自還往不遣世人知

其二

武林生事薄日月易飄蓬
賓戲時能作兒扶興不
窮重陽風雨至舊館薜蘿通
世界原無住何妨老

寓公

九日始霽胡中翰諸君同玉上人集陽春堂

作

雨聲一夜到天明不謂今朝特放晴老戀佳晨能
 強飲醉拈新菊倍含情雲堂齋供同僧飯石磴玄
 談對客評更向城南望城北村村禾黍報秋成
 送宋布衣還新河布衣初來欲赴東海死臥

病逾年竟依其甥歸意甚愴然

踏海難成魯仲連西歸仍是再生天扁舟載酒送
 君去揮手吳關了宿緣
 哭顧行之少司馬二首

迢遙靈櫬黯長川一望丹旌涕泫然漫檢來書如
 昨日不知何地是重泉得歸空復瞻遺履垂老那
 禁痛絕絃共說留樞官不小至今門巷冷秋烟

其二

三十年前事 肅皇故游零落總茫茫相將白髮
 悲人世忽對黃花慘客腸兵計萬言爭補缺公嘗
都馬快家聲三丑卜延昌公家祖孫三代異時俎
船事宜豆誰堪竝千古延陵有辨香以丑年登第

婁子柔文學自治平寺讀書歸偶患目青戲

遺一律為訊

半載臥枵伽今朝始到家已知生慧眼那復見空
花豈是烟霞瘴非關雲雨遮清涼君自得一瞑轉
三車

答詩附

婁孟堅

為學空王法遺形只治心夜長燈火狎秋老酒
杯深未解凡夫縛那無幻化侵清涼真上藥何
物慧龍鍼

以詩代書寄訊沈四廷望讀書治平寺二首

念汝初失意竄身石湖陰佛燈燃夜寂漁榜翻波
深不記離家日因知志士心誰憐寄衣者閨恨入
寒砧

其二

霜露繁如此胡為空谷中心能雄萬卷時已迫三
冬董傅帷堪下楊朱路未窮試看鷓鴣羽養就欲
乘風

寄懷莫廷韓文學下第效長慶體

薄遊燕市得歸遲泣玉于今歎後時豈謂爾曹能

我貴從來有道少人知
四腮滋味年年好
三泖烟波處處宜
且買扁舟載詩畫
世人誰笑米家癡

來風 贈張毛二翁年皆望九偶過話舊

浮世滄桑在眼前
鄰翁乍對說因緣
人今爭道尚書老
曾見尚書舞象年

十月旣望戲送菊本還植西庄

九日移栽香滿堂
侵尋寒月漸風霜
花神亦解成功去
世事何須到老忙
欲采殘英和沆瀣
相將華髮伴柴桑
置身合在寬閒野
歲歲開時引壽觴

送王敬美之任南太常少卿

周王宴鎬崇留後
漢帝祈靈屬侍祠
舊闕聳瞻龍虎合
高臺曾見鳳皇儀
雍容格廟陪卿重
文采名家小令奇
回首十年題柱處
賦成三禮祝皇釐

公故南儀部郎

長至日同馮元敏學憲祝釐如閣

乘高何處可書雲
紫閣迎祥禮聖君
和動吹葭分漏刻
香隨委佩鎖氤氳
日當南至三呼竝
天遠長安萬舞分
想像玉堦頌瑞處
異時僊樂杳難聞

寄答霸州王大司馬見訊公以不給中官馬忤旨歸

從來司馬護金鑾十二天閑詎可干陪乘不知

中貴重批鱗翻識聖恩寬鄉關路近營歸易文

武功成得謝難屈指舊人誰在位將遺鱸膾勸加

餐

立春後書事

一冬無雪暖于春纔入春來雨更頻海潤浮空渾
似瘴簾風沾濕不宜人侵陵柳色迎陽早劃動雷
聲逗臘新憂國占年那可問虛疑調燮屬閒身

除夕家讌示曦稷二兒此夕聞雷

為憶投簪後流光見五遷雷行疑太早歲往忽如
捐采勝隨春事辛盤促夜筵衰遲亦甚矣似續豈
徒然婚嫁宜仍畢箕裘爾欲傳詒謀思燕翼述祖
媿蟬聯華國須名德承家果象賢聰明防汨沒蒙
昧卜騰騫未必耽紈綺終如畏簡篇風塵難貼席
雲路合先鞭展驥非無地飛龍儼在天桑榆差自
保蘭玉貴相鮮匪是為卿意猶存報主緣人今
誇競爽數或謝迤邐不忘羔羊咏重賡棣萼篇歡

娛家慶集來日是新年

新蘭正貴味糖甜長為嘍意醉杯難

雲合合天晴身翻非無此來請辦

和十翻春未出強歸蘇然收身簡

數戰潔華園能各郵承家果來賀

却想春事牛雖到或與來豈不其

念對對對對對對對對對對對對

知之客應二對對對對對對對對

歸有園稿卷之三

歸有園稿卷之三

詩編

詩

吳郡徐學謨叔明著

春正二日沈六文暨周婁諸文學集海曙樓

感舊漫興

天與雲林便索居閑門賓客未應疎相携落日登

樓處無那春風載酒初花綻小紅寒石艷波搖新

綠綺窓虛去年雪後逢今日次第流光過草廬

四日雪中作

臘日望雪雪不來今朝始見五花開無乃皇天乖
正令稍於大地祛毒霾亦如窮巷少人跡獨坐高
樓呼酒杯莫是當年袁太尉閉門那許俗人猜

送柴欽父進士使竣還朝

北海爭相識見君文字間因憐懷玉久果得棄繻

還出塞迎秋色歸朝覲聖顏名家舊簪笏侍

從必清班君祖嘗為京兆尹

雨夜欽父過別留酌山園作

獨往真乘興因過東海頭深宵松徑寂片語草堂

幽垂老逢知己芳春得勝遊片帆沾細雨何似剡

溪舟

元夕後一日書異

元旦日無輝萬彙寡欣悅何當積晦餘慘淡上元

節晨起盼庭柯條封凍糾結雲黯天為冥風急野

如裂悽切遞鳴璫文加分驟鐵春秋書木冰人害

難具說木本少陽精倘被陰所脅春行宣布德胡

乃傷摧折始疑浥繁霜或似翳雩雪徒聞受擊聲

大負韶華月往過天雄城茲異薄京闕未天子肅

威靈殺氣間騰發今當大江南父老目未接矧時
屬大來氛沴行蕩滅生德普昭蘇泰道永無缺穆
矣轉鴻鈞誰人仕調燮

客冬與馮元敏有銅坑看梅之約今二月已

破信使不至登樓悵然

小閣觀梅又隔年銅坑消息竟茫然一枝莫道非
春事半月那禁是雨天山水有情終作障色香無
染卽安禪人間看去俱空界縱到羅浮也世緣

雲間方衆父太守枉駕山園留宿漫賦方爲

知貢舉時所取士

燕京同記客遊身此日相逢練水濱花鳥不嫌五
馬至風烟何似九峯親却從雨後看春色暫與山
中結靜因若問當年逃相事於陵原是灌園人

春日訪大宗伯徐公作

附

方應選

晴川如練故悠悠中有真人紫氣浮晝靜香銷
雞舌細春深苔鎖雀羅幽玄亭問字宜頻往藥
裹當年倘見收坐久不聞絃管沸今宵絕勝後
堂留

堂馮咸父以舊歲中秋別去臥病至今茲乘春

夜見過因謝予為序詩草止宿山齋臨分

韻古却贈彩笺

梅花開後忽逢君信是山家遠世氛帶瘦形容知

病已傷秋懷抱入春分心將寂照同看月境擬招

提合臥雲莫訝蒼苔人迹少今時誰愛太玄文

春夜偕婁唐諸子集沈伯咸園時予以病嗽

止飲

杜門花事總冥冥春半過從水上亭隔竹風聲傳

鳥語臨流雨氣挾龍腥扶藜乍可參諸妙繼燭能

無笑獨醒解珮徘徊占歲異頻來應慰草堂靈

聞滇中嚴太宰起攝大司馬遣官趣駕喜而

賦此

予告當年荷寵綸時蒙病痊起用之旨一歸四見點蒼春蒲

輪忽發天南使樞府仍還極北身帝賚股肱人

是舊班聯文武命逾新由來正色重端笏始信朝

廷有重臣

春日寄殷夷陵無美效長慶體二首

西陵人自隔年回
 珍重雙魚萬里來
 已報剡書經
 屢奏更聞琴瑟近
 無猜公餘見客吳
 音杳醉後看
 山蜀道開遙憶楚
 天雲雨過相邀神
 女共登臺

其二
 其
 帝
 貴
 迎
 人

牆東客去渺何之
 日日牆頭過柳絲
 倚閣正當龍
 臥處思君恰及燕
 來時木魚敲斷維
 摩語金馬吟
 殘春夢詞猶有虛
 名掛荆楚為予剗
 却細侯祠

再得楊太宰書有拂衣之志懷舊志感

天上何緣足鯉魚
 山中重拜巨源書
 知希敢謂能
 吾貴用拙從教與
 世疎雙闕晴雲懸
 水鑑九龍春
 色護鑾輿眼前黃
 髮惟公在莫向清
 朝賦遂初白

與唐金諸子集朱濟之看玉蘭花作

謝庭分玉樹何似
 桃花園澹慮窺玄
 圃輕香湛綠
 樽不將明月吐共
 倚德星繁更有瑤
 華贈深宵聞
 道言

沈別駕詰戎海上過訪留酌次韻答贈

春深門巷薜蘿幽
 清世何妨老一丘
 忽枉鳴騶停
 別駕相携呼酒共
 登樓將雛語燕迎
 人喜在藻遊

魚散客愁金鎖久拋滄海晏使君清嘯當紆籌

陳別駕往會京邸茲再領河防行縣見顧酌

贈一律

燕市相逢尊酒深
竭來重憩舊棠陰
干旄不薄巴人里
遲暮空餘梁父吟
澤國春流通海溆
漢家循吏出儒林
政成賴有風流在
莫向周南怨滯淫

春日謁亡友李大公道亨墓

理檝逗槎津
褰衣陟蘭阜
上有三尺墳
黯然迴白首
攬涕讀穹碑
恍見平生友
埋玉此山中
泉扃閉

已久鼎鼎百年間
一去復何有
老氏貴榮名不亡
以爲壽長夜更靈區
川原鬱如坱宛轉石麒麟
澹蕩青楊柳
春風不作悲晴曦
燦朱牖所嗟逝者心
生年在吾後
美好故非祥
哀遲亦滋醜
敢追徐孺前
曾御李膺右
故舊復誰存
蒼天遺一叟
長歌以酹君
可以當哭不

送王通守署縣還郡

公魯人

解珮王祥儼在茲
當羊相見自鳩司
曾官輦轂知名蚤
暫借絃歌到處宜
西漢貲郎爲世重
東家儒

行亦吾師于今瀕海清如練試聽輿人頌愛遺

送屠博士掌教會稽

春水祁江似掌平山陰道上泛舟行諸生共有青
氈戀兩池空餘白髮情遊越更從司馬後談經偏
對鑑湖清風流所至堪追憶吾在吳州看月明

截樹行戲遺鄰友張二

人言賣狗與截樹此是貧家盡頭路君今有田足
可耕先人之廬尚如故張仲蓬蒿歲不除養成大
樹棲雲霧清陰時過短牆來掩映吾居亦關趣早

起俄聞樵斧聲樹上之人莽奔驚須臾剗斷虬龍
枝天却天年誰與訴西林無樹不成林坐使東林
虛外護漢苑長楊世所珍當時辜負詞人賦主人
不俗且不貧此物何當易錢布平泉草木徒恠情
付與酒家供爨具但將少得買心寬眼前棄却那
能顧青蓮曾欲剗君山此意惟應達者悟悟來四
大一擲捐浩蕩人間隨去住世事轉移何所無總
使滄桑亦旦暮

戲贈張醫

醫國名高不自醫雙肩夜夜擁吳姬靈丹豈入神
農品大藥惟應姹女知老去瞭垣憑碧眼向來忘
肉飽青芝懸壺亦是逍遙術說與人間莫浪疑

寄郭太史美命

紫陌彤駟響玉珂知君名已上鑾坡神搖彩筆干
宵漢輝映青山護薜蘿帝里江山靈氣集騷壇
詞賦楚才多今皇更是親帷幄定有聲詩續卷
阿

寄龔水部汝修

仙郎何事久棲卑此意惟應拙者知祇以平生
狗監不將留滯負鴻私王孫芳草春相憶中散長
林老更宜奏罷陵工行慶日羣臣同上萬年卮
為潘茂才贈乃叔孔彰

孑然天地一嬰兒當日存孤却問誰四十青雲猶
未達相看莫厭報恩遲

送松江徐司理之任南戶曹

三泖湖邊敞別筵鉦歌初發秣陵船法星總被吳
雲掩漢月翻經梅雨鮮地近鱸鄉同隱吏省聞雞

舌共朝天雖然錢穀非君事總是孤臣報主年

梅雨初霽海曙樓書懷二首效長慶體

海色初分杳靄中梅陰重護碧蘿叢只愁卑處能

沾濕爲倚高臺易得風魏闕已迷難負主衮衣

無恙莫思公年來併廢閑勲業戴髮頭陀已悟空

其二

家山長日愛扳躋積雨莓苔路轉迷樹密高林堪

避影草生深巷未成蹊池頭水長魚爭沫松際雲

開鳥亂啼機事不關宵夢穩三年臥到日初西

種蓮不成書此解嘲

買地種蓮花蓮芽喜漸長謂當朱明時花開大於

掌梅雨苦不休澄潭集魚網泛濫那可言水浮蓮

葉上桔槔無所施一望成決瀆爲復傷其根極目

惟灌莽吾聞太華巔其蓮高十丈應有神物護人

力詎能攘種之已無法况也非膏壤汨沒安可論

徒然發深想仲尼遜老圃而我顧用罔固知清淨

因幽人所獨賞一物雖細微成毀良不爽花神杳

莫招吾將任所往

壽徐四老七十

懷石山居五十年至今藂桂尚依然當時共羨青
 春好少日相逢白髮鮮躍馬場中曾結客看花醉
 裏儼如仙名家會見風雲起海鶴精神老未傳
 大水漫題東王博士
 初聞梅雨不停聲漸過三時雨大行牛馬莫分農
 坐廢壁犀何用海疑傾滔天復見堯年警塞瓠虛
 懸漢主情自是一丘難穩臥老臣何以望昇平

偶書二首

平津既拜相自奉唯脫粟開閣以延賓曾不私其
 祿或謂非人情詆其學為曲富貴不能餌全身在
 無慾不見孝武時多少徹侯族

其二

亢世為名高將以避其影不能息樹陰翻受形相
 引巖穴非市朝風雲恣延領龔生天天年恐以明
 自燼太守逐龐萌寧為愚者逞

有為余作勸駕語者書二絕句

六十年餘道未成已將婚宦付來生業緣在世終

難了猶有旁人說姓名

其二

青山黃閣兩茫然目盡浮雲別有天
自昔英雄興事業一迴頭處卽神仙

沈六丈携酒過山園夜集子柔有作戲次來

韻貽之

深竹微風爽氣開西鄰送酒白衣來
吾家幸有陶潛徑爾輩真逢袁紹杯
醉擁歌兒清枕簟情當繫馬靜徘徊
今宵不發琴臺興枉却文園作賦才

原韻

婁子孟堅

步屨長廊竹徑開雨餘積翠逐人來
談經屢賜清閑讌問字還同河朔杯
歌入棗華深宛轉涼生池館足徘徊
可憐清夜隨飛蓋授簡偏慙鄴下才

秋日張甥伯隅邀余蕩舟集朱濟之楊伯善
唐叔達婁子柔四文學暨侍吾家二小子
兆曦兆稷可嗣飲中八仙卽席口占用博
羣和聊成勝會毋謂今人非古人也

滄洲自在往來稀乘興涼生白苧衣畫舸沿流問
所適青鬢進酒歌相依事外心閑鷗鳥近沙頭水
長鱖魚肥伊人故有薰葭思月上東林看客歸

和作附

婁孟堅

江城載酒信迴沿堤柳涼生咽暮蟬捲幔風高
秋颯颯迴舟月白夜娟娟歌殘金縷應消黛醉
把銀罌却泛蓮最是清言傾倒極忻陪杖屨欲
忘年

朱用楫

秋風嫋嫋泛新槎時有嬌歌出絳紗遶郭清陰
浮曲水傍人朱鷺浴晴沙厭厭玄語夕陽度故
故深杯夜月斜聞道東山多勝事風流應許後
生誇

唐時升

翠釜銀罌滿畫船千家悵望似登仙陰陰柳色
承輕蓋細細荷香落綺筵鳥和嬌歌啼近樹魚
調珍膳出重淵後堂卮酒虛相對今日欣陪樂
事偏

次朱濟之韻

莫是張家八月槎
棹頭無復舊烏紗
千家夜色過涼雨
十里湖聲捲岸沙
坐久不知衣露濕
曲終無那髻雲斜
持杯恍對銀河瀉
若個還將秋水誇

七月廿一日風雨大作呼沈六丈飲酒于海

曙樓

前日雨兼風今日風兼雨
浩蕩復憑陵林間無宿羽
未須詢稻梁况乃憂環堵
無食更無家誰云為樂土
遺黎可奈何重逢彼蒼怒
因思卒歲圖斗酒

召鄰父相對共悠悠
欲語不得吐

秋日毘陵張司理枉顧留酌山園作此詩為

贈

橫海風濤爽氣開
與君同上最高臺
停驂為問山中客
能賦偏憐洛下才
暫聽徵歌羞下里
還因繼燭卜深杯
懸知近洗平原獄
雨過行車潤綠苔

酌唐司理書贈

唐湘潭人

舊識長沙路江湘故渺然
欣從傾蓋語不忘
式廬年照座人如玉
祥刑福可田草堂
今夜月偏傍法

星懸

寄題信陽何少宗伯山園

絲綸黃閣侍今皇學士焚魚臥草堂桂樹栽來

招隱士圖書散處偈文昌中原物色瞻崧嶽千里

峰陰落武當記得當年同建禮吳山豫水兩茫茫

對武八月十四日夜集妙喜軒唐婁二生沉醉袒

跣突來索酒喜賦二律用侑歌者

月在小橋東今宵與望通並珠渾照坐天鏡欲乘

空俠氣橫秋宇歌聲雜梵宮因知歡飲劇那得少

車公

其二

二客何箕踞相過自別筵為憐池上月同兀酒中

禪老更矜良夜狂能法自然非關寬禮數白傳會

忘年

木也同賦二首

附

婁孟堅

露深涼氣薄煩暑獨茲秋對酒娛清夜移尊俯

碧流桂枝團玉瑩荷葉弄珠稠吾興未云極有

懷難更留

對韻其二

忽憶樓頭月流光幾許深還因白雪調一叩碧
雲岑脫帽容狂態披襟豁素心當杯頻度曲山
水助清音

八月十五夜南關放舟八子同集漫勒斯咏

露冷沙明澹素秋美人同載木蘭舟即看練影分

鷗席未必清光減虎丘吳人以虎丘為中秋看月處空外忽浮

三島出飲中疑續八仙遊清歌絕勝笙篴引遏住

行雲不肯流

同賦二首附

婁孟堅

昨泛初流火今來秋正中良宵自難得高興幾

能同野曠稀星落天清重露濛低頭弄金碧戀

賞意何窮

十其二與

尋常侍公飲絕倒只清談昨夜杯同把茲遊酒
更酣月沉鏡光白風捲縠文藍意愜渾忘倦翻
今年少慙

十五夜次韻附

婁孟堅

繁絃急管樂清秋薄暮空江好泛舟數闋過雲
 還白苧一樽浮月便丹丘年光幸自逢良夜山
 水從前憶勝遊莫恠菰蘆衝斗氣謝公高咏擅
 風流

十六夜與沈婁諸文學集伯氏第

風光原在舞衣前今夜何須問月圓白髮共矜兄
 弟老清秋翻覺棣華鮮千家砧杵愁寒至一曲笙
 歌傍水偏飛盡彩雲何處去停杯徙倚鴈鴻天

同賦

婁孟堅

白日歌鐘動清秋樂事頻酒酣涼吹滿舞罷月
 華新鴻鴈中庭影芝蘭四座珍誰能操古調一
 為寫情親

哭莫廷韓

莫雲卿嘗夢太史奏五色雲見故改字廷韓

自我還山一過君別來祇以病相聞重泉不見三
 秋月二豎何孤五色雲蒿里歌殘風瑟瑟茸城望
 斷水泐泐玉樓賦就渾虛語天上人間總忌文

九月四日漫興

又是連旬雨登樓帶屐來空憐秋色盡不見日光

迴野白留殘黍山青染積苔所愁應轉劇未到菊

花杯八月四日喜王明佐至蘇軾

問君何日發閭門野水連天擣客魂秋去秋來纔

一見百年能得幾溫存蘇軾

遺米送王明佐歸蘇軾

到處憂農此歲年黔家知是突無烟莫將脫粟輕

五斗當得陶生月俸錢蘇軾

悼申氏殤甥蘇軾

前歲京華走使塵寧馨初報外家親相門相種猶

難保何處金輪可現身蘇軾

善感

福至如潮生有來還有去射之不可迴捷之不可

據倚伏在須臾此身何所預古來得意人安敢事

高倨門閥侈金張浮沉等飄絮一步一迴頭輕舟

過灑灑既盈而後持夫乃徒自怒

音三邑博移舟見訪留酌山園作二首時九月

邑博者王君廷舉揚君三省張君學文也皆直隸人

詩編卷之三

廣文出無馬倚棹鏡塘陰共有維桑樂如聞流水
音深秋寒首宿散吏狎雲林斗酒須謀婦由來遲
所欽

自得中秋月重開九日晴杜門初見客積水尚浮

城世外風雲態山中雞黍情由來慙白社安敢謝
逢迎

九日伯隅有約以事阻不赴適諸文學見顧
留酌山樓書此遣興

東溪勝事鬱相望惆悵佳晨滯舉觴環郭風雲初
颯爽倚天樓閣正蒼茫淹留是處黃花節調笑誰

家白面郎座有雅誰莫謂茱萸醉堪把凭高總人少年
場

十日伯隅復邀余暨諸文學賞桂是夕聞歌

月明如畫

九日已虛簪菊會不將巖桂怨蹉跎是歲不惟無菊桂亦遲發
布金亦是孤園地對酒其如子夜歌隱竹凄風移

玉漏隔花涼露淨銀河秋來事事關愁思惟有中

天月倍多

靈雨為災歲事已廢而中秋九日俱見月明亦奇邁云

九日憶朱隱君時已蓋棺逾月矣愴然有作
知君穩臥練塘雲此日黃花杳莫聞地下何曾作
重九持杯那得不思君

劉河夜泊

四野荒荒白滄桑在眼前孤舟風雨疾斷岸井廬
懸蕩析憂方大蠲除詔未傳茫然思禹迹空復戴
堯天

宿外家王氏感舊題壁

疎燈黯黯照迴廊漫倚清酣獨上床三十八年如
一夢空留琴瑟對秋光

與諸文學酌沈廷望二絕句

索酒到西鄰冷然孤興發夜飲復厭厭林端露微
月

清鬢何處來遶座歌聲起摩挲諸少年燈前作秋
喜

題樓道人卷

大道由來法自然饑時喫飯倦時眠手持一卷名

關在此是人間未了緣

家兄席上題事因憶殷無美太守書三絕句

雲鬟爭比舊時粧
荏苒秋風拂鬢霜
唱到酒闌人靜處
燈前莫漫是何娘

其二

當歡猶逐少年遊
狼籍蛾眉萬種愁
曾憶花間同笑語
仲文今日在荊州

其三

當年指點莫愁家
老入梨園事可嗟
最是鉛華易

銷歇青衫何必濕琵琶

書寄劉大將軍

燕頷虬鬚意不羣
龍韜豹略舊相聞
當年曾話封侯事
今日登壇果是君

夜過沈六丈飲

莫漫逢人說歲饑
膝前坐擁好男兒
爲君爛醉蓮花白
况是江鄉蟹賤時

晉門王司寇元美相別四年茲枉顧山居作十二

韻

窮秋作寒候風雨復見侵歲晏臥空谷何當遲知
 音門有車馬客果獲心所欽為煮山中石置酒相
 酌斟別來曾幾時白髮俱盈簪轉盼各有述感愴
 故不任所希戰勝顏四座沾德馨眉宇挺芝秀方
 瞳碧以深欲扣軒轅訣邈矣空同陰海上集霞氣
 登樓洽冲襟仙源詎云遠偃息此中林盈盈一水
 間毋為歎商參

海上顧符丞壽章

記得龍江奏管絃春明重見意翩然虎頭豈合滄
 洲老熊兆今占後乘年西掖鑠符虛殿直東山歌
 舞促宵筵風流文采誰堪繼更是承家有象賢

李茂實新堂成與諸文學夜集

疏峰迴睥睨華館愛淹留筆任朱衣點時余衣絳
題詩白練
 杯緣翠袖流歌者倩
行酒霜清烏鵲影寒入驢驢裘歡

極難成醉移尊上小樓

無題二十八字

歛却雙蛾意不禁朱唇半啓露微吟請卿試對秋
 江水翻覺芙蓉色到深

豔曲五首贈伯氏所歌兒

一淑二倩三臣四志五華

雲鬟無恙轉宜人
不道何娘是老身
管領教坊諸部樂
小姬爭踏艷歌新

其二

窈窕莊嚴共一人
紅樓光裏現前身
偶然行乞之媼舍
始識阿難得度新

其三

生憎不是可憐人
羣唱聲中作替身
忽失念奴無處覓
閑街歸去月華新

其四

自知年少不逢人
數到梨園第四身
同向朱欄看花處
隨身低唱賀郎新

其五

迢迢飛鳥漸依人
果得人憐寄此身
試問揚家諸姊妹
從今第五沐恩新

十月望夜雨集寶綸閣
余行敲雨酒令俄而
雨止月出大是奇事
喜賦短律令侍兒和

歌暢飲候曙

望夜那仍晦虛堂繼燭紅當杯消黯慘調曲勝玲瓏
 毆雨呼盧采披雲見兔宮錦屏圍合處宛在百
 花中
 偶題遺子柔
 水中月與鏡中花牢把關頭莫認差此是金剛相
 印處自來自去總由他

冬夜集張別駕賞菊

去年簪菊罄君歡今日留歡見菊難佳種半隨淹
 雨盡殘英初得帶霜看錦屏麗曲宜深夜銀燭輕

紅媚小寒聞道臨江近彭澤歸來莫放酒杯乾別駕

故宦臨江

吳淞夜泊書夢

心髮何須較短長枕中猶記醉為鄉從來過去俱
 虛擲枉却輪迴這一場

六十六自壽效長慶體答妻子柔見贈時子

柔年三十四

草衣不礙錦麒麟樓曙堂春際此辰海內文章須
 有伯江南風月屬誰人迎和喜見天開子獻壽虛

稱嶽降申子生日時更得弁君三十四大家爛醉

百年身

又次子柔韻

蓬萊仙文在人寰幸得君王早賜還滿目風雲
春夢外異時名業醉鄉間未開漢相招賢閣閑課
陶家種荳山才子新裁將進酒侍兒爭唱越醜顏

宗伯公六十六生辰率爾獻詩效長慶體

附

婁孟堅

休論姓氏滿塵寰莫礙殷勤問大還屈指功名

八座後乞身泉石數年間陽春堂裏歌迴雪海

曙樓頭醉看山從到百齡三十四知無一日不

開顏

漫題六言絕句

東風細雨樓頭兩人相對悠悠掩却朱唇無語留

情付與筇篻

公無渡河古筇篻引也

為朱子道治喪具作

六十七年空賤貧今朝斷送可憐身蕭然山客誰

相問予是陽關餞別人

長至日書感

江湖四見履長晨
釐祝猶揚萬舞塵
候氣欲迷天漠漠
迎祥無賴水潏潏
帝思南國迴青野
臣在東山望紫宸
此日調和須鼎鼎
鴻鈞漸轉歲華新

和王元美司空見過之作用韻

別來未有久于斯
自我還山忽五朞
一水蒹葭今可問
兩人容鬢莫相疑
登樓尚識風雲氣
攬鏡空餘日月私
同仕三朝吾更老
看君猶是報恩時

原韻

王世貞

舊標通德宛如斯
屈指登堂十四朞
不爲龍門孤轉峻
自緣麋性老多疑
談深忽出憂天語
病久方知荷帝私
試撚霜髭兩相問
於今得似秣陵時

和司馬公飲歸有園之作用韻

時新起南樞

豈是房櫳愛接連
只因無地避塵緣
初迎紫氣來函谷
似帶青霞出洞天
對酒共拚千日醉
將詩不必萬人傳
懸知歸有非真有
直欲從君扣牝玄

原韻

附

王世貞

曲檻迴廊斷復連
疎花奇石巧相緣
衡穿屋裏千迭道
忽入壺中小有天
暎架青藜寬自讀
開尊白墮許誰傳
丈人門徑今粗曉
時擬扁舟問草玄

海曙樓飲李婁二子漫興二絕句

不逐塵凡不學仙
深宵人在大羅天
渾身裹却暹羅衲
一種清酣是酒禪

其二

歌扇舞衣都暫休
內家擎出錦纏頭
若爲有相觀無相
老子胡床夜月樓

承司馬公再疊予作仍用韻勸駕送賡二首

星駕除書儼在斯
祇園伏枕亦多基
鱸魚滋味雖堪憶
龍馬精神莫漫疑
前席問釐應爾待
小山招隱合吾私
從知文武今爲憲
况復流年異昔時

其二

華髮纓簪已欲連
將因三仕了前緣
非關司馬能延世
公起少司馬其
家官三世矣
爲見飛龍正在天
橋下定知

黃石在殿中應許白衣傳共矜苞鳳爭儀蹕
德重華協舜玄

其原韻附

王世貞

三見咸陽哭李斯一歸東海十成暮毋論啓事
人堪笑忽得除書已亦疑野性雲霄終自淺
主恩天地欲誰私縱令伏櫪雄心在猶憶羊腸
跪足時

其二

青尊小語夜流連重結金門吏隱綠密竹似調
絃上雨踈萍欲點鏡中天功名兔苑吾甘薄姓
氏雞林爾任傳無那谷神新有解從知不愛子

太雲玄

徐四老置酒甥館邀余諸同好夜集戲題二

絕句

竹滿前林水繞溪過橋何似入招提草堂夜現金
輪相月在中天未轉西

其二

羅膝當墟共祖孫歌喉過耳細溫存頽然深醉無

嗔喜莫是西方活世尊

海曙樓夜漫有所嘲

欲歌不歌君奈何會心不在唱聲多若還解到無
聲處醒眼呵呵笑醉魔

題歌者病二絕句

飛蓬何用着鉛華玉貌翻將示疾誇果是塗硃疑
太赤新紅一枕勝如花

其二

迴頭不是李夫人恰是楊妃春睡頻此夕為誰愁

內熱却因憔悴見情真

無題

若個羞池冒雨來雲情先已到陽臺同來未必同
歸去夜靜蘭房鎖不開

三疊王少司馬韻再寄趣駕

累葉橫恩可忘斯香山歸已十餘暮一行自識干
旄重三上休將劔珮疑欲動此身渾未動無私於
世故能私個中真訣誰堪語試問祇園證果時

其二

禪心幻諦兩勾連重到金陵有宿緣宴鎬已知占
 福地趨休朝何處不鈞天山川花草春無限勳業
 文章晚更傳科聖代不須招隱士知希敢自貴吾
 玄名蘇思世世世香山社已十領恭一休自端干

除夕書懷

今夕何夕歲云週山中日月故悠悠亦知往事如
 春夢差喜流年益海籌離慾不將歌舞廢遺安無
 復稻梁謀太行前路堪追憶到老終慙馬少游
 歸有園稿卷之三終真

西風名篇

歸有園稿卷之四

詩編 戊子

吳郡徐學謨叔明著

詩

元日偕子柔廷望集伯氏館

元日今年勝去年客遊渾似豔陽天窺園欲待梅
 花發素酒相看棣萼鮮坐擁歌臺臨霽景旋燒銀
 燭敞宵筵諸君莫話昇平樂浮白惟應我輩偏

寒對三日雨再偕子柔集伯氏館

老至諸緣盡惟餘取醉心呼兒摘春韭聽雨盍朋

簪小閣凝香淺新詞趣酒深共憐幽興劇那覺夜
寒侵

四日邀伯氏暨子柔集寶綸閣
朝雨尚如昨客醒猶未醒緣隨歡喜得心到醉鄉
靈介壽宜春日當筵有德星侍兒能賭勝呼采不
曾停

題倩示瘍二絕句

膩玉流膏散紫葩兜羅綿裏摘微瑕含顰不是愁
心痛徒倚春風亂髻鴉

其二

爲誰憔悴火中燃濃血淫邪是外緣解得妙明無
愛染應同佛面長金蓮

嘲倩擇婦歌

阿儂何事莽奔走終日望門求其偶東家之女新
鏤釘西家鬼獍非人形後堂織者稍結束肌黃仍
恠雙眉促儂言恩愛不耐長豈其娶妻必齊姜以
茲物情豔倩好人人爭獻良家寶吾語阿儂莫算
差枕頭須結連理花古來好逑俟君子祥麟不逐

野狐死潘郎自有擲果車文君一夜奔相如女欲
 求男尚恍惚儂今作事何倉卒矧當十八正少年
 閑情肯受么魔牽儂聞深省發大叫同行掩口呵
 呵笑主人那惜千黃金忍儂便咏白頭吟明月衾
 帷休歎息姮娥暗處遙相憶天上良緣不可知請
 儂試卜桃夭期寂寞秦樓空異代鳳簫聲斷人猶
 在

婁宿之文學以人日初度六十贈詩

共君先後學同師視我流年小七朞止足不將髯

色改

宿之春貼有止足二字

欣榮偏與歲華宜正逢佛子持

齋日

伊子孟堅以正月不茹葷

更是天官賜福時莫待秋風方

得意今人到老幾齊眉

迎春行時集伯隅甥館贈歌者併戲遺傅士

美西風凱博士

昨夜月明皎於鏡朝來雨洗春郊淨青旂彩仗鬱
 雲屯人烟翻覺今年盛乘春百戲度虹橋梨園隊
 隊鬪丰標隊中若個呈纖手斜控銀騮擁紫貂凝
 眸不語雙蛾斂沾濕雲鬟態轉嬌為問粧成何所

擬禁苑夜歸蘇學士宮娥一簇送金蓮
瞥眼榮華嗟逝水我生六十七迴春
長公此時無此身文章豈是長生藥
高名千古空嶙峋造物偏能護衰醜
今我不樂虛令辰世間萬事亦何有
喚取如花進美酒馬上馳來不卸裝
滿堂艷異爭迴首依然掩袂倚東君
宛轉清歌出吾肘須臾酣暢戰屠蘇
調笑還當金僕姑呼盧奪雉雄無敵
共拚一擲傾百壺朱顏勝絕酒腸大
知爲女郎爲丈夫披靡諸君且退舍
從來涓滴難相假淋漓狼籍已不禁
飛揚跋扈何爲者座上忽聞鼾睡聲
廣文先生深醉也美人猶自獨醒然
酒後含情更可憐輕移錦袖扶吾去
明日看花何處邊

十二月偕子柔集伯氏館暢飲達旦作二首
明月樓頭簇絳羅高燒火樹照銀河
今宵先醉元宵酒不道新年樂事多

其二

綺閣文茵擁火城春風管領遏雲聲
厭厭判到東方白辜負隣雞報曉晴

六日十三夜酌諸鄉老值雨殊不盡興漫書二絕

辭關文句難入紙春風曾到邑雲壑孤城快健東

夜夜燒燈意未央春城一雨黯流光古來漫說者

英會明月終須妬鬢霜

即其其二

踈簾沾灑澁更籌主興堪乘客不留豈是太康天

所戒且教歌舞暫時休

美人十四夜偶集丘五老張二丈賦二首餘歸林

家家烟火候元宵山徑無人正寂寥偶出新醅來

舊雨一燈相對說前朝

其二

春風動地劃如雷漸見青天有月來到老未忘年

少意夜深移席傍歌臺

華回元夕篇

去年無秋禾不收今年元夕點貴油民間憔悴已

如此主人何為高結五彩之飛樓樓上燒燈爛千

燭樓下人烟看不足別有喧闐拾翠來金蓮駢擁

香泥蹴是時賓客滿華堂錦屏照耀雲母光火輪

歛逐冰輪轉吹竽擊鼓揮霞觴十丈旌竿隨月起
 銀花錯落春江水江水為之澁不流兩岸歡呼密
 於蠟今夜城門不禁開野人賣薪買酒來一宵明
 媚霎時過眼飽不救饑寒災主人詎敢矜豪逞繁
 華何似耽清靜歲首蕭條不當春占年須要占光
 景為誰好事不論錢調燮還當宰相權聊與青郊
 助顏色人人歸喜種春田

十六夜集伯隅甥館值雨即事四首

三五初盈月尚華却公來醉右軍家無端一雨如

酥潤先發庭前火樹花

其二

燈筵原是少年場老眼摩挲入醉鄉乘興不須論
 髮短春心一片較誰長

其三

青鬟賭酒鬪春標酒到儂家定不饒底事憑陵滋
 態甚乘酣莫訝侍兒驕

其四

潘郎口口說仙方貯酒無腸祇益狂今夕糊塗貪

臥地彌陀攬去上慈航

十七日雨坐海曙樓作

一望春陰搏翠屏雲蒸海潤天冥冥竹裏梅花香
欲吐松間流水聲乍零元宵已過酒無債佳客未
來吾獨醒事外柴門長日掩深居端藉草堂靈

代情送隴西君之吳門二絕句

合歡被裏麝蘭薰春雨春風那可聞今宵不得成
酣寢明日江頭又別君

其二

起來雲髻不教梳帕額依然是丈夫若得陽臺重
入夢隨君一夜到姑蘇

送王元美司馬之任留都

白髮行歌莫是驪春江渺渺去帆遲鳳凰臺下開
樞府龍虎山中別煉師綺季不緣兵事出鄴侯
免世人知今皇更是修文主爲愛弇州絕妙詞

贈歌者倩二八生日詩二首

雲鬟高擁似春山仙籍疑占第一班長恐難勝清
靜福風流時復溷人間

其二

延生不用佛前燈請到南街有髮僧口口勸教降
火性懸知歡喜是真乘

子柔性能離欲而
憐情特甚故云

不寐

四更殘月不勝情蝴蝶莊周夢未成人道春眠那
覺曉為誰欹枕到天明

嘲周畫師為倩傳影尋被目青

描出嬌嬈太偏真凝眸細染損瞳神祇緣目下風
流盡明日看花讓別人

喜兒輩掩關讀書

吾家小兒俱掩關揮手酒徒休往還獨有老夫閑
在此時來取醉看春山

代倩送髮禪君讀書婁城二首

君去西江儂在東江頭日日有東風東風縱便書
難寄一枕春愁細雨中

其二

歌館相看較爾親不將青眼望時人鏡花水月渾
閑事流水高山獨愴神

閏年廿日雨樓坐撥悶

去歲怕陰自歲初今春愁雨更何如月明僅媚元
宵客海氣頻昏舊草廬天時人事慘相逼梅蕊柳
條寒未舒在野無因問惇獨聊隨潘令賦閑居
從來旱澇頗相傾爭似連年雨不晴直爲水多魚
蟹賤田家撈作救荒羹

其二

處處蛟龍報豈訛憑陵山谷復江河但知行雨無
休歇不道堯年水恠多

題福橘

千頭土橘不論錢閩種傳來味獨鮮一橘價堪餬
數口珍盤誰道是饑年

題唐伯虎畫六言

日下棠陰覆屋門前流水遶渠黃鳥無聲睡去問
君所讀何書

廿二日雨坐獨酌偶倩至與之賭酒滿奏奇
捷喜賦二首

卷有園和
詩經卷之四
九
二百三
捲簾灑酒酌春山
豔曲能消雨
晝閒雄槩尚堪矜
奪采肯將黃髮讓朱顏

其二

朱顏酡處寂無聲
損盡平時戰勝名
鼓死不教重
對壘降旗如出石頭城

題昭君出塞圖二首

交河初過虜塵昏
馬上琵琶不可聞
解得紅顏多
薄命古來誰似漢明君

其二

腥酪羶帷是洞房
漢宮雖冷勝胡鄉
一聲羌笛思
歸引懊恨年年秋夜長

樓雪有懷子柔就試吳門兼致倩意二首

春風吹雪夜漫漫
合與當年刻客看
曳練城邊空
悵望風流今見古人難

其二

彩筆爭時勝覓侯
雪天楊柳映紅樓
樓中若個迴
螭首比却深閨愁更愁

痴兒二首

痴兒那解酒盃迷酒力方雄學鬪雞鬪到五更渾
未歇醒來殘月在樓西

其二

君寵從知祇益驕嗔拳寧料不相饒主人性比東
風急狼籍花容着雨澆

漫興

空花那礙眼過鳥不關情老住人間世悠悠意自
平

樓雪有懷叔達不至漫賦短律

幾日違城郭連陰積五花春將臨仲月寒自損
華草閣攤書靜江天釣艇斜袁安高臥處宿火在
鄰家

春荒志感

春荒仍雨雪茲歲復如何有酒人家少無衣道路
多茫茫垂白野淅淅黯青蘿黃鳥關愁劇山寒不
會歌

東山海上秦侍御少說自吳門還見訪留酌

有客下吳關相逢雲水間春寒花較晚地僻日常

閑歲月聽鶯過風波簪豸還潮平舟正發歸去臥
東山

會想為倩題照和子柔二首

春風爭識畫圖鮮螭首蛾眉更宛然獨有雙眸最
流麗描來知向那誰邊

其二

色染從知本是空憑空強綴玉芙蓉悟來骨肉都
融處不向丹青問淺濃

舊識沈氏侍兒相別四紀今頽然成翁矣予

豈無流年之感餉以蜀扇二為書二絕句

衰鬢龍鐘劇可憐雲鬟曾憶酒杯前方春贈與班
姬扇屈指秋風四十年

其二

美人自古不長年若到長年美不專自是世情厭
衰醜敝帷亦有舊因緣

春夜偶題二首

宵筵貪聽畫眉詞豈料粧臺有別離朝下雙蛾尋
不見彩毫羞染立多時

其二
樂天未肯別楊枝
春至楊枝比散絲
最是東風無管束
任他妖裊向人吹

其二
花信二首
斜風急雨作春顛
潦倒花容淚黯然
獨有陽暉堪報答
淚痕收處見晴天

其二
為誰無力倚闌干
妖艷從來不耐看
那得娟娟如翠竹
東風日日報平安

詰情漫題

百戲場中少一人
誰家沾醉濕車茵
五更睡醒梅花帳
未負當筵報主身

穴鴉

莫訝朱鴉作恠啼
啼時亦在樹東西
聽來總是鳴春意
論到蒙莊物可齊

江夜嘲子柔不寐

空花來去本無情
底事巫山夢未成
疑却色根終未斷
共誰清話到天明

婁江餞別王少司馬二首

離亭春酒碧於油前路青山續壯遊
高挂雲帆天上去看予花下弄漁舟

其二

昨日草衣今繡裳磻溪此出爲文王
但能了却公家事白髮由他十丈長

婁江夜泊

春風江上繫樓船楊柳堤邊奏管絃
坐聽玉人歌麗曲月明如畫水如天

謝張二饋酒諸友頗嫌其水長書此解嘲

孤舟酒盡興逾長索得蓮花滿甕香
意好偏能令客醉敢云薄薄勝茶湯

戲書貽諸知己

自昔禪家重法門師兄師弟禮猶存
誰知末劫恒河變眼見頭陀罵世尊

春夜卽事貽同遊諸君二首

落日城邊弄小舠春波潏灩映春醪
嬌歌不發含情劇待到東林月漸高

其二

水上樓臺月倍多
醉中索酒興如何
歸來穩臥棲霞處
遙夜空中長薜蘿

梅花

梅花豈合有塵心
狼籍春風故不禁
一夜不知飄泊處
傷情誰似惜花深

偕諸文學出北郊看梅興盡更酌賦此

二月梅花已較遲
郊行更是雨來時
無端春興難消得
傍晚移舟盡酒卮

芥納樓集諸文學作

高處看花花信妍
今年梅發勝常年
縱然風雨頻相妬
留得繁英媚酒邊

遊西隱寺感舊作

入寺來參古佛龕
雙松依舊影鬢鬢
當年曾作匡山隱
僧臘於今四十三

得姚山人所寄用晦宗侯書戲題此

山人遙自豫章回
千里雙魚手自開
却笑皇家老孫子
聲聲只說做官來

寄答用晦

廿年停却豫章雲頭白情親獨有君芳草王孫頻
入夢梅花春信近相聞東山未敢稱龍臥南極誰
當占斗文子建能文空自老中原風雨悵離羣

姚山人遊江湖老矣茲將詣金陵鷲峰寺爲

埋骨計余喜其任達贈以二絕句

一生行脚半隨僧萬劫都經死未曾待得空身歸
淨土靈光長遶佛前燈

其二

禪家傳姓不傳形四大纔捐卽杳冥枯骨原無盛
飯處紙錢何必挂冬青

施粥

無祿翻裨有祿人強來越俎療饑民慈悲本是西
來意聊罄瓶儲結勝因

大風

三分春色二分過苦被春寒作雨多今日雨晴風
更大一年花事竟蹉跎

官糶

紀松江事

人傳官糶米減價與民易自謂準常平豈不稱寬
卹彼平故可常此貴而後抑便宜衆所趨低昂情
易激糶者未必餓餓者無錢糶空腹糞斗升淚迸
眼爲赤看人喫飽飯忍作溝中瘠爭奪自上施良
民化戎狄一時閩海壩性命輕如擲人窮那畏死
柰何以死惕本以圖相生胡然反相食意至法不
然亂萌所滋植寄語長民者救荒可無術

三月九日喜晴

連陰已道天無日乍霽俄驚日在天恠得滿城聞
犬吠太陽不肯照凶年

與丘別駕乞蓮種約花開時以酒酬之

借得官河學種蓮君家芳沼藕如船爲君轉乞蓮
花種他日同酣太華巔

清明展墓作

風雨積彌歲二儀黯無光矧茲值寒食更復罹歲
荒行郊變物態菜色紛路傍饑驅糞一飽所願非
酒漿吾宗故貧薄瞻拜徒徬徨長年享祭餘燕笑
滿一堂今當殺禮日何以爲輸將分甘祇脫粟所

得意不償吾衰久無祿虛將祖德張胡能及周親
念此折中腸一家尚難理安覩斯民康

倩兒加冠客有阻之者戲題二首為勸

朝來對鏡漫咨嗟斷送流光是髻鴉須信人情隨
色轉莫教雪裏喫冬瓜

其二

勇退從來愛急流朱顏鋪子及時收董賢二十為
司馬難道當年不上頭

偶書所感二首

春雲翻薄是秋雲恩愛從今一旦分試向樽前看
冷眼舊時歌曲不堪聞

其二

世間何事不成空君寵君憐一夢中花落自依流
水去敢將憔悴怨東風

紀日異亦三月九日事

日下流虹已自奇五虹夾日更堪疑此祥合問調
元者不獨堯年歎阻饑

四月十七日寶綸堂邀家兄暨諸文學賞壯

四丹時值久雨僅卜斯集
歲歲名花豔石欄今年花自雨餘看銀鐙爛照
脂濕綺座酣消刻漏寒酒逐輕香歌宛轉月留清
影夜闌干縱然富貴誇如錦垂白何如棣萼歡
爲人題竹贈楊博士

水墨淋漓處清風漾輕碧相遺比琅玕掩映寒
色

題滙龍關贈熊明府

澄江如練淨龍湫疏鑿功成在上游萬里天風堪

鼓浪不知若個占龍頭

重五日陽春堂宴集因出往年

上賜諸節

物示客適值初晴感時有作

已度天中節初逢霽景鮮爭波龍罷戲剪艾虎仍

懸舊

賜傳宮線新詞卜晝筵寧知門外事斗米

近千錢

沈伯咸徐孟祥二文學讀書石岡精舍移舟

訪之留酌賦此

咫尺城南路扁舟問索居琴書延入戶雞黍趣行

厨雨後粉榆淨風前締絡疎竹深相送處落日暮
江虛

書事二絕句

嗔顏匪妬媒事與佯僵比衆口合譁然不道君不

喜書

其二

落葉還堪掃飄萍不向空一隨流水去只得任西

東

喜雨有序

春夏之間澇後乍旱米價涌極捐瘠裁

正值東作時雨適來或者天心其悔禍

乎予非在位者能不爲民增忤

自來無好雨喜見熟梅時潤稿如農望消蒸與物

宜豐凶應遞轉天地亦何私四野秧針遍從今少

怨咨

申甥同女郎歸寧喜賦

中堂有客美且鬢爲道名家出俊才更是京華六

載別新從茂苑一帆來歡動門闌開雀網早知雲

路占龍媒婆娑老眼看兒女不負當筵燕喜杯

韓太守詩來乞館頗傷其貧裁寄短律

宛上相逢歲屢移山中高臥竟誰知故人無恙原
非病廉吏于今不可爲共羨大夫能作賦寧堪五
馬亦恒饑老來更覺身爲患陶令何慙乞食詞

送見空上人往西洞庭聽經

師住如如閣屈指八十日忽然動行脚問師何所
適洞庭白足僧說法開知識逝將諦聽之寧辭冒
暑出何以避炎威師頭頂斗笠師若不行時斗笠

挂東壁斗笠來尋師師去尋斗笠師動斗笠動翻
云得其力彼法卽此法此識卽彼識如師號見空
于空當有得能觀自在心三車竟何益願師早歸
來一坐萬緣息

夏日過李茂實進士留酌觀蓮與朱唐二山

人同集

門枕澄江帶碧岑主人池館愜幽尋旋開竹葉消
長日坐對蓮花淨道心小院風來涼氣襲廣庭雲
護夕陽深冷然已入冰壺境更聽筵前白雪吟

贈莫子良方伯初度八十 未寄

詞賦江東獨擅場更誇荀氏八龍翔
蚤因骨瘦寬柴柵常爲家貧典鷓鴣
尚父鷹揚心未已張翰鱸美興難忘
滄桑總在八閩世自愛山中日月長

偶過東溪醉題時張甥客金陵與未魯二山

高挂絺衣索酒嘗何須問主與偏長
外孫羅膝頻頻勸笑倚東谿坦腹床

其二

東溪作雨魚跳梁風來滿院蓮花香
酒酣漸覺炎

焯滅始信清涼是醉鄉

戲題二首

水陸齋筵一道場千僧念佛沸攘攘
見生功德無人做普度孤魂鬼去嘗

其二

餒鬼訛傳得大舖齋堂開處闕相呼
亦知有飯無腸貯翻與人間飫大巫

題襄府中和園

王家山館勝蓬萊翠削芙蓉萬壘開
林氣遠從雲

夢集池流偏帶漢江來

宸書寵弟輝東壁

府藏

宗遺

新詔旌賢落上台

今上特旨賜獎

遙想追隨飛蓋

地異時賓客老鄒枚

送曦稷二子鄉試二首

金風初動到金陵予在田間望舊京試聽塤篪交
奏處鳳凰臺上鳳凰鳴

其二

石頭城下看花年轉眼行過四紀前簪笏已拋高
臥穩風雷颯動鹿鳴筵

旱極雨不應禱愴然題此

去歲雨多竈產蛙今年河底飛赤砂皇天默默那
控訴黔首嗷嗷空怨嗟再更旬日禾盡死敢望蠲
恩歲屢加古來水旱渾常事不信堯湯做一家

自夏入秋不獲一雨能令君徒跣齋籲者久
之忽沛甘澍農心大暢喜而作詩因以為

賀

精虔無那宰官心哀控齋壇日已深誰遣九龍翻
大海遂令四野遍甘霖時承白露同霏玉澤潤蒼

生似布金莫道居卑歆格遠蒼蒼何處不相臨

七夕集伯氏館

同是三秋月偏憐七夕期靈橋鳥鵲度綺席兕觥
移風遞紅蕖馥星垂白髮疑嬌歌聲轉劇繼燭未
應遲

秋日園居雜興十首

掩逕衡茅地自偏潮音秋色到尊前石闌倚筆題
黃葉芸閣攤書檢素編簪紱五年辭魏闕江湖萬
里戴堯天清朝豈得容高臥遙夜東山有靜緣

鑪綠醕頻恠得閒門稀履跡知余久已杜紅塵

贈吳畫師

吳祖工部公與余遊善

丹青博得少年名鳥性花神信手成工部才高貧
到老傳家惟有此聰明

迎春日戲題二首

今歲迎春劇可憐老人搔鐸過尊前從來百戲都
休歇惟有春光勝去年

去年是日微雨

其二

一年生計在于春每歲迎春人看人未必江南貧

歸有園稿 詩集卷之四 三十一
到此土牛一隻倍傷神

立春二日集伯成園作

東風吹到海西頭春入君家池上樓試探梅花浴
砌發還聞溪水隔窓流歌兒靜擁銷銀燭葉子譁
傳費酒籌此是少年場裏事老夫何以得茲遊

席間偶與子柔談常南康故事志感書二絕

玉環埋沒舊嬋娟誰結人間兩世緣自是常郎能
種福金輪轉出再生天

其六

承華自昔屬元良定冊遲遲意故長外議詎能窺
廟算橫恩非是曠椒房本于陛下爲家事常

得宮中頌世皇當日二龍須立長萬年主壘

帝圖昌

其七

中原無復憶廉頗樞府年年奏偃戈北極河山銷
燧色西風亭障變夷歌采薇天保詩堪味斬馘和
戎計孰多只恐金縢難厭虜修邊選將近如何

江南故老說倭夷
戡定誰收六出奇
白鹿贖元須
遇合黃金行賂亦
機宜浮言誤失揆
臣意脫械惟
應 聖主知寂寞
弓藏千古恨
吳山推倒報功祠
帝圖其九

總攬由來自至尊
天顏能得幾時溫
什碑自忤
唐皇指圖閣
難希霍氏恩
震主威名終不賞
當年
功罪竟誰論
東門藁葬那堪問
慘淡昭立有斷魂
其十

風林一雨度
秋聲雲白江清
海上城漸遠
蓬萊天
路杳粗完婚嫁
老身輕已拚棄
印書難著欲問還
丹道未成猶有虛名浪
推擇爲余長謝漢公卿

偕諸文學集伯隅園
看木樨盛開因憶曩遊
遂占二律時伯隅赴試金陵
私有所祝

秋色籠巖桂
涼風過草堂
未須分客主
先已具壺
觴倒甕酣生白
盈簪艷早黃
中丞遺植在世
世卜
傳芳

其二

勝賞還茲地聽歌似去年重依金粟障同醉白雲
 天漫賦小山隱應隨芳樹緣秣陵花發處摘取近
 嬋娟

哭盧生二絕句

盧故西隱寺僧

生來只合空門老何事當年悔出家六十七遺三
 歲女靈前猶未解呼爺

其二

本圖有子終無子始信無妻勝有妻徒弟都來消
 懺悔飄魂還向舊招提

唐叔達過余頗詫中秋釀飲之樂余惜其座

無侑酒者追念往事賦長慶體一律

人間無歲不中秋明月看人漸白頭今夕聞君談
 勝事少年隨處見風流蕭疎客座寒徐榻徒倚胡
 床獨庾樓縱道諸公饒酒興當歡只少舊歌喉

十四望夜邀諸文學宴海曙樓

秋光隨處好最勝是林泉客向清歌集月當今夜
 圓彩雲沾露濕紅燭避風鮮巖桂花重發輕香到
 酒邊

十五夜集伯氏館漫賦二首

萬家明月萬家歡
玉宇無雲天鏡寬
如此良宵莫
拋擲連年愁水復愁乾

其二

內家八寶作纏頭
曲盡牙槽興未休
不是黃金買
歌笑老來還贖少年遊

十六夜宴熊明府暨王張二學博作

水滿晴溪月滿樓
今宵誰策醉鄉侯
為橫梨鷲
鳥鵲直欲乘槎犯斗牛
城柝不聞絃管沸觥籌無

算旆旌留請君試聽昇平曲
禾黍穰穰報好秋

十八夜集李茂實館戲題二首

自到中秋入醉鄉
不知零露漸為霜
滿堂燈燭明
于晝何必東林候月光

其二

月出歌殘興不孤
侍兒重唱小尼姑
前番記得妖
嬌態故整新粧媚老夫

次倪雲林江南春詞

韶華試問青林筍
惜春人坐簾櫳靜
山中初反薜

蘿衣夢裏頻翻蝴蝶影翟尉不愁門巷冷一縷烟
生萬家井東風澹蕩飄葛巾隔斷長安紫陌塵雲
行遲水流急掩逕蓬茅花露濕春光漸減朱明及
茫茫草色連天碧美人不來情色色梁父微吟空
竚立行看科斗集流萍白日蒼蠅徒爾營

贈封君六十初度

九日黃花節懸弧及此辰聊携金谷酒來醉玉山
人耆德稱三世餘波潤四鄰仲長能樂志永作太
平民

秋夜聞兩兒落第書此自慰

從來蒙昧是浮名點額龍門又未成顧我不應開
渾沌生兒何必愛聰明難將瘠土儲風氣留得衰
年看世情塞馬詎須論禍福且憑歌笑養殘生

書示曦稷下第

兒從下第來來自白門道江頭多驚波愁雲鬱繚
繞望望倚閭心淒楚徹昏曉計日算歸程風雨或
難料入門卽成歡相見起相勞不問跋歷難且看
顏色好痴兒未釋然坐久發深悄丈夫生世間疇

欲甘枯槁富貴故在天悠悠復杳杳一氣吹萬之
何能各相肖人言善降祥譬之談夢兆應來或偶
然不應誰相照蹇吾本涼德徼福已不小餘波潤
汝曹無營得溫飽已乏滋世因胡然希果報若復
更求多酸寒愈無告默占裒益權彼蒼亦了了慎
勿怨蹉跎而乃羨機巧寧靜須俟時閉門恣幽討
水至渠自成青雲路非渺颯勉况當年榮名可相
保未能忘畔援何處非煩惱霜後見天根吾自怡
吾老

偕諸客城南看菊

携壺尋菊欵柴扉竹裏繁英艷落暉適去適來何
所有秋光載得滿船歸

情詩四首

前度追歡興未消今朝別恨在河橋吳雲燕月春
相憶鳳闕龍樓夢轉遙

其二

柳條那可繫離情飄擲西風一葉輕想到上林花
似錦共誰携手聽宮鶯

其三

金猊香篆似儂心
裊裊依依上客襟
願得隨君見
天子殿頭飛入五雲深

其四

儂今莫唱渭城歌
黯黯休辭進酒多
醉裏不知醒
後苦千山萬水奈君何

病

藥裹拋來十四年
不成瘡鬼也來纏
片時寒熱難
驅遣始信康寧是福緣

送李茂實會試

由來漢武重明經
更以春秋策治平
庭對天人誰
第一公卿爭識下帷生

送金子魚會試

李邕識面是何年
兩世科名在眼前
恠得老夫雙
耳熱春風動處聽臚傳

遣興

水流花落任西東
暮雨朝雲亦夢中
却笑香山曾
遣妓也應未識色爲空

病起書事

吾本不善病頃以食爲祟食去病良已詎足爲身
累此患在田氓不過等一醉臥起卽歡然便可親
鉏耒奈何貴人軀動輒生忌諱當其寒熱爭家人
盡驚畏床頭語認認吾亦聞之惴一汗了無他此
外寧須贅誤存竊鐵疑暗鬼潛其內傷食無補方
扶陽抑何謂爲當惜暮齡揣摩愈深邃欲兼標本
功翻與膨脝會浮火灼元真橫奔而四潰匪直厲
燠心突撐尤良背痛楚那可禁奚啻刀刃綴中滿
竟妨餐耳目益昏曠山妻解醫理知爲參所熟魚
呼蘆菹湯盈斟滌腸胃轉戰而互攻勢重猶退遂
中宵氣稍夷聊復得假寐明發還故吾親朋喜相
慰第聞補不足已足難求倍心將搔樹同事與樞
苗類生非愛所存古人有遺誨在衆固鹵莽而我
亦憤憤却藥十餘年形神頗完粹今者一沾唇四
大幾捐墜神農欺我哉藥是病不對所失僅毫釐
死生兩蒙昧不見深山中其人多百歲土木老形
骸何嘗識藥味吾今乘化往書之以自佩

郊行六十七生辰戲題自壽效長慶體二首

過去榮華只未曾長將壽酒樂親朋和風暖日從
天賜妙舞清歌逐歲增閱世浮沉須久視見生功
德媿修能直教三十三年後念念如如老髮僧

苗圃其二

至後陽回喜氣臨人間何事不相尋旋拋藥裏逢

生旦時初病起細聽檀槽了幻心晉國鴻名虛鼎鼎香

山雅志在雲林古來賢達誰堪竝抵掌由他費朗

吟侍兒扮白傅為晉公賀生傳奇

十月

十月冰霜夜更闌傍人歌舞恣交歡不將老態妨

兒態此是黃金返少丹

遣興二首

久疎滋味較形癯始信衰年仗肉扶喜得壻家能
續食長時對客試籩鑪

其二

日聽明童一醉歌何如坡老念彌陀若還解到無
聲處縱念彌陀也是多

言有園和
詩經卷之四
二百五
偕子柔輩飲小曼所作二首

清宵銀燭艷當鑪酒肆人間定有無
更是文君能醉客已聞解珥佐餘酥

其二

巡筵賭酒轉殷懃不待嬌歌出絳唇
明月滿庭歡笑處三張葉子百壺春

其二
雪日偕潘仁卿挾小曼飲酒作

今年冬日暖于春應臘翻驚凍
葢新簾幌交加迷處所竹松浮動鬱
嶙峋凌寒度曲朱唇斂對客當

其二

稍解無生結佛廬聊隨白足說如如
心空不忘阿彌語交絕難裁宰相書
林木蕭疎驚過鳥波濤沸鬱者遊魚
端居吾自憎衰颯漫擬凭高玉几虛

其三

王謝風流事已空吾家正在大江東
花分棣萼嬌紅燭酒熟蒲桃注碧筒
細細歌喉憐倩好倩歌者名厭厭擁鼻徹宵同
伊人合在蒹葭外世上徒誇駟騏驎

雄

其四

其四

建禮深宵憶舊遊
朱衣常侍殿東頭
先班奏馬龍顏近
下界聞雞虎拜稠
聽漏尚疑形闕曉
還家幾見白蘋秋
衮衣莫作東人想
去日勳名問蒯緱

其五

九陵佳氣鬱屯雲
宛轉鑾輿扈聖君
大峪自能當穆卜
小臣何事莽紛紜
驚弓不礙青霄翮
避路終慙白簡文
一失帝鄉芳訊少
夢魂南北大江分

其二

曾將前恨囑琵琶
委命錢塘事可嗟
不道迷魂招不返
水晶毬竟落誰家

蜡月廿七日招子柔與倩同浴

晨除澡室洗殘冬
海竇泉溫宿火封
待到酒酣人靜後
涉江同採玉芙蓉

廿八日喜雨作

東風脉脉催和煦
陡作春陰釀微雨
一年無日不愁乾
始見鄰家鉏菜圃
涓涓滴滴不停聲
流膏滲

液潤春耕但教四野歡農望可卜明年米價平
東風小曼雨中被跌傷眸三日匿不相見詩以嘲

廿之日喜雨

衝泥失却雨餘身幾損瞳精轉自嗔寵在何須深
避主莫教錯認李夫人泉人佳林徑醉歸人

除夕家讌飲至酩酊歡然書此

春日迎除夕和風媚綺筵酣隨兒女笑老逐綺羅

鮮適壻家持避俗添詩草傳家剩酒錢年年常似

此便是活神仙

歸有園稿卷之四終

陳聘寫

歸有園蘇卷之四

蘇

歐陽文忠公

明年未

之

之

身幾

夫

人

何

何

何

何

何

何

何

何

何

何

何

何



Handwritten notes and stamps at the bottom right of the page.

